


中原文獻
子 卷三




漢書門			
九	七	二	四
一	七	二	四
二	〇	〇	〇
冊	架	函	號 類

內閣文庫		
九	七	二
一	七	二
〇	〇	〇
冊	架	函 號 類

內閣文庫	
番號	漢 9764
冊數	20(12)
函號	360 124

共三十冊

十二



新鐫焦太史彙選中原文獻子集卷

淺草文庫

鄧析子

鄭人好刑名撰竹刑之書駟欲殺之然其書駁雜
不倫疑後人附益今擇其可取者錄之

無厚篇

夫水濁則無掉吊尾之魚政苛則無逸樂之士故令煩
則民詐政擾則民不定

輻車軸頭也

夫木擊折輻竹水戾破舟不怨木石而罪巧拙故不載

鳥故有知則恣有心則噏有目則眩是以規矩一而不
易不為秦楚緩節不為胡越改容一而不邪方行而不

中原文獻子集卷一

流一日形之萬世傳之無為為之也。

轉辭篇

思谷子灌篇有
此論

夫言之術與智者言依於博與博者言依於辯與辯者
言依于安與貴者言依于勢與富者言依於豪與貧者
言依於利與勇者言依於敢與愚者言依於說此言之
術也不用在早圖不窮在早稼非所宜言勿言非所宜
為勿為以避其危非所宜取勿取以避其咎非所宜爭
勿爭以避其聲一聲而兆駟馬勿追一言而急駟馬不
及故惡言不出口苟語不留耳此謂君子也

夫治之法莫大於私不行功莫大於使民不爭今也

法而行私與法爭其亂也甚於無法立君而尊愚與君
爭其亂也甚於無君故有道之國則私善不行君立而
愚者不尊民一于君事斷於法此國之道也

治世之禮簡而易行亂世之禮煩而難遵上古之樂質
而不悲當今之樂邪而為淫上古之民質而敦朴今世
之民詐而多行

道固惡于不傳也不傳則妨道又惡於不得其所以傳
也不得其所以傳則病道

是亦達古今識
治亂者

子華子亦有此
言

天下不見地。內不見我。外不見人。

三極篇

關尹子曰。聖人之治天下。不我賢。愚。故因人之賢而賢之。因人之愚而愚之。不我是非。故因事之是而是之。因事之非而非之。知古今之大同。故或先古。或先今。知內外之大同。故或先內。或先外。天下之物。無得以累之。故本之以謙。天下之物。無得以外之。故含之以虛。天下之物。無得以難之。故行之以易。天下之物。無得以窒之。故變之以權。以此中天下。可以制禮。以此和天下。可以作樂。以此公天下。可以理財。以此周天下。可以禦侮。以此

御侮為吉

道本無方所

因天下可以立法。以此觀天下。可以制器。聖人不以二已治天下。而以天下治天下。天下歸功於聖人。聖人任功於天下。所以堯舜禹湯之治天下。天下皆曰自然。曰。聖人之道。或以仁為仁。或以義為仁。或以禮以智以信為仁。仁義禮智信。各無五者。聖人一之。不膠。天下名之不得。

曰。利害心愈明。則親不睦。賢愚心愈明。則友不交。是非心愈明。則事不成。好醜心愈明。則物不契。是以聖人渾之。

五鑑篇

歛光起也

曰。物生於土。終變於土。事生於意。終變於意。知夫惟意。則俄是之。俄非之。俄善之。俄惡之。意有變。心無變。意有覺。心無覺。惟一我心。則意者塵往來爾。事者歛旭起滅爾。吾心有大常者存。

九藥篇

曰。智之極者。知智果不足以周物。故愚辯之極者。知辯果不足以喻物。故訥勇之極者。知勇果不足以勝物。故怯。

曰。夫不能冬。蓮春菊。是以聖人不違時。地不能洛橘汶貉。是以聖人不違俗。聖人不能使手少。是以聖人

真子外篇亦有此言

天地聖人同一守中拘之則不

不違我所長。聖人不能使魚飛鳥馳。是以聖人不違人所長。夫如是者。可動可止。可晦可明。惟不可拘。所以為道。

曰。人徒知偽得之中有真失。殊不知真得之中有真失。徒知偽是之中有真非。殊不知真是之中有真非。

齊味謝吳之中有真非終不味真吳之中有真非
巨之味謝吳之中有真非終不味真吳之中有真非
西身夫味吳味西身夫味吳味西身夫味吳味西身夫味吳味
不盡其西身夫味吳味西身夫味吳味西身夫味吳味西身夫味吳味

文子

姓辛名鉞葵丘灘上人號計然范蠡師事之本受
業老氏錄其遺言為十二篇蓋道德義疏也又雜
以名法儒墨諸家柳子厚謂其駁書後人聚歛而
成或然與

符言

老子曰使信士分財不如定分而探籌何則有心者之
於平不如無心者也使廉士守財不如閉戶而全封以
為有欲者之於廉不如無欲者也人舉其疵則怨鑑見
其醜則自善人能接物而不與已則免於累矣

大約論無心行
事無欲出治則
自歸心其言
不隨

六國事秦之明

老子曰。凡事人者。非以寶幣。必以卑辭。幣單而欲不厭。卑體免辭論說。而交不結。約束誓盟。約定而反。先日。是以君子不外飾仁義。而內修道德。脩其境內之事。盡其地方之廣。勸民守死。堅其城郭。上下一心。與之守社稷。即為民者。不伐無罪。為利者。不攻難得。此必全之道。必利之理。

道德

老子曰。法煩刑峻。則民生詐。上多事。則下多態。求多則得寡。禁多則勝少。以事生事。又以事止事。譬猶揚火而使無焚也。以智生患。又以智備之。譬猶撓水而欲求其清也。

安辭無為

清也。

上德

老子曰。主者國之心也。心治則百節皆安。心擾則百節皆亂。故其身治者。支體相遺也。其國治者。君臣相忘也。

上禮

老子曰。以政治國。以奇用兵。先為不可勝之政。而後求勝於敵。以未治而攻人之亂。是猶以火應火。以水應水也。同莫足以相治。故以異為奇。靜為躁奇。治為亂奇。飽為飢奇。逸為勞奇。方奇正之相應。若水火金木之相代也。何往而不勝。故德均則眾者勝寡。力敵則智者制愚。

淮南子云。使陶人化而為埴。則不能成。益。益。工。不能化。而為絲。則不能織。又。錦。言以異治同也。妙。甚妙其。

智同則有數者禽無數

按淮南書盡本諸此然其文辭間有修飭且血脉聯絡無可間斷予於此書獨畧之者非飲流而忘其源也

昔者其良公昔艾豔財貴也其國公昔艾豔財貴也
昔子曰主者因之心也心欲阻百嗜皆安心欲阻百嗜

上論

書也

子華子

姓程名本字子華晉人博學廣記不甘苟容聚徒著書自號程子名聞諸侯孔子遇之知傾蓋而談嘆曰天下賢士

孔子贈

子華子曰夫言之所以感為響響欲絕而感已移意之所以將為思思未單而事前輟何則精神之所弗包焉故也七十九代之君法制不一號令不齊而俱王於天下明旌善類而誅鋤醜厲者法之正也其所以能行焉精誠也精誠不白則無以王矣其在後世以急刻而責

為治必泊精誠
確論

為與偽同義

權舟賊也

中原文獻子集卷二

恕以譎訛偽而課忠言非其願意非其真而保人之弗
叛悲夫是正坐於夕室也是白之懸而黑之募也是縱
權罩於陸而發軔於川也其亦不可以幸而幾矣是以
欲治之君將以有為於是者必先正其本術定其精而
不搖保其誠而弗虧夫然後出言以副情端意以明指
世雖亂也俗雖汙也而曰感不効於影響者吾斯之未
能信

北宮子仕

北宮子將仕於衛子華子曰意來子之所以自事其心
者亦嘗有以語我乎北宮子曰意未得以卒業也以是

此篇出入老莊
語意極妙大抵
欲出于无意為
吾道惡皆有

北宮子名

樵蘇之弗繼餬其頤頰於人雖然謹志其所欲為
而違其惡也庶幾於完子華子愀然變乎容有問曰意
是何言歟善奚足願而惡奚足違吾語若聖人不出天
下潰潰日趨於迷欲以有已而卒於喪已欲以達之於
人而卒於失人凡以善故王者作興將以濯滌今世之
昏愒去善其殆可乎哉善弗去亂未艾也而又奚以善
為北宮子曰喜有是哉願畢其說子華子曰人中虛圓
不徑寸神明舍焉事物交滑如理亂焚如涉驚浸一
則以之休惕一則以之忌諱一則以之懲創是則一日
之間一時之頃而徑寸之地如炎如冰矣夫所謂神明

北宮子集卷二

乙

非許怒也

者其若之何而堪之。神弗留則靈明弗居則耗而又奚以善為古之知道者泊兮如大美之未調詭詭承兮如將孩隨推而遷因蕩而還其精白津津若遺而復存其神明休休常與道謀去羨去慕孰知其故今子之言曰謹志於為善則不善者將誰與耶。違子之所惡則惡將誰歸耶。予而勿受歸而勿納則必有忿悁之心。起而與我立敵矣。以我矜顛之意而接彼忿悁之心。何為而不聞。聞且不止。小則囂凌詬后諱碎大則碎首穴胸。夫以若之言而幸於完其樂於死矣。北宮子曰嘻。若是其甚也。子華子曰有甚於言者。若禍之所自起亂之所由生

按子皆得所欲而違所惡者

狂或作叔

怒或作忍

皆存乎欲善而違惡。今天下老師先生端弁帶而說乃以是召亂也。學者相與熏沐其中。扁而亦唯此之事。是事禍也。父以是故不慈。子以是故不孝。兄以是故不友。弟以是故不共。夫以是故不帥。婦以是故不從。君以是故不仁。臣以是故不忠。大倫蠹敗。人紀消亡。結轍以趨之。而猶恐其弗及也。悲夫。石碯欲完其名而殺厚。公子輒欲專其國而拒蒯賸。寤生克段。忽出而突入。季友鴆慶父。叔向誅鮒。雍糾之妻尸糾於朝。莊仲子欲託其帑於魯。而先斃其室。先君厲公一言而殺三郤。華督父并忽於與夷。毛舉其目。高不勝為數也。是皆名為求得所

中原文獻子集卷之九

神氣一莊生也
步趨一莊生也
其誰為母而誰
為子耶

欲而能違所不欲者矣。然且大倫斃敗。人紀消亡。結轍以趨之。而猶恐其弗及也。悲夫。吾語若。亂之所由生。禍之所自起。皆存於欲善而違惡。夫人之中虛也。不得其所欲則疑。得其所不欲則惑。疑惑載於中虛。則荆棘生矣。父不疑於其子。子必孝。兄不疑於其弟。弟必共。夫不疑於其婦。婦必貞。君不疑於其臣。臣必忠。是還至而効者也。百事成而一事疑。道必廢。三人行而一人惑。議必格。大道之世。上下洞達。而無疑志。堯舜三代之王也。無意於王而天下治。所循者直道故也。是以天下和平。夫下之所以平者。政平也。政之所以平者。人平也。人之所

以平者。心平也。夫平猶權衡然。加銖兩則移矣。載其所不欲。其為銖兩者倍矣。故曰矜功者不立。虛願者不至。非惟不足以得福而行。又足以召禍。故吾不悅於子之言。今子亦平其所養而直以行之。何往而不得。何營而不就。而又奚以善為。且善不可以有為也。堯曰。若之何而善於予之事。舜亦曰。若之何而善於予之事。是上與下爭為善也。上與下爭為善。是兩實也。兩實則烏得平。平不施焉。則惡得直。失其所以平直。則堯無以為堯矣。舜無以為舜矣。吾子謹志於堯舜也。而又奚以善為。北宮子之衛。主於叔車氏。叔車氏有寵於衛君。國人害其

嬖而將討之。北宮子喟然嘆曰。吾為是違夫子之言也。是以獲戾於此也。吾何以衛為。致其所以為臣而歸。

虎會問

子華子見齊景公。公問所以為國。奈何而治。子華子對曰。臣愚以為國不足為也。事不足治也。有意於為則狹矣。有意於治則陋矣。夫有國者有大物也。所以持之者大矣。狹且陋者。果不足以有為也。臣愚以為國不足為也。事不足治也。公曰。然則國不可以為矣乎。子華子曰。非然也。臣之所治者道也。道之為治。厚而不薄。敬守其一。正性內足。羣衆不周。而務成一能盡能。既成四境以

此篇無為之旨也。其筆端鼓舞洋洋。自恣其邪。景公之固陋宜矣。

即漆園所云重傷之人

平。唯彼天符不周而同。此神農氏之所以長也。堯舜氏之所以章也。夏后氏之所以勤也。夫人主自智而愚人。自巧而拙人。若此則愚拙者請矣。巧智者詔矣。詔多則請者加多矣。請者加多。則是無不請也。主雖巧智。未無不知也。以未無不知。應無不請。其道固窮。為人主而數窮於其下。將何以君人乎。窮而不知其窮。又將自以為多。夫是之謂重塞之國。上有諱言之君。下有苟且之俗。其禍起於欲為也。其禍起於願治也。夫有欲為願治之心。而獲重塞之禍。是以臣愚以為國不足為也。事不足治也。昔者有道之世。因而不為。責而不詔。去想去意。靜虛

以待不伐之言。不奪之事。循名覈實。官庀嘉其司。以不知為道。以奈何為寶。神農曰。若何而和萬物。調三光。堯曰。若何而為日月之所燭。舜曰。若何而服四荒之外。禹曰。若何而治青北九陽奇恠之所際。是故此王者天下以為功。後世以為能。以故記之所道。而君之所知也。臣慙而不知。方始而至於朝也。竊有疑焉。齊之所以為齊者。抑以異矣。鍾鼓棍圉。日以耘久考。而和聲不聞。司空之刀鋸斷斲如也。而罪罟滋長。諸侯之賓客膏其唇吻。而爭進諛言。左右在廷之人。主為蔽蒙。僮夫豎隸。曉然皆知公上之有恚心也。造為訶謔。以蠱君心。君曾不知

法有所失也

之也。冕旒清晨位。寧以聽怒匿焉。以古人自耦。君之心則泰矣。夫其誰而頌肯。以其一介之鄙。試嘗君之嗜好。而以干其不測之禍。臣慙而不知。方始而至於朝也。竊有疑焉。夷考所由來。以君之心勝故也。心勝則道不集矣。羣臣之不肖者。又隨而揚之。故其弊日以深。其固如性。而君曾不知之也。夫以君之明。疏滄其所底滯。而開之以鄉道。夫孰能禦之。抑臣聞焉。萬物之變也。萬事之化也。不可為也。不可究也。因其言而推之。則無不得其要者矣。故臣愚以為國不之為也。事不之治也。公曰。洋洋乎而之所以言。吾欲以有說而無所措。吾辭而之道。

博大而無倪。吾所不能為也。嘗曰有以拂吾之陋心。子華子退而食於晏氏。

晏子問黨

按晏子豚肩不掩豆。澣衣滌冠以朝。其儉于財甚矣。故子華子以養精神為儉。而不以土階為儉。雖是歲之然。却有理非矯激之談。駢青黑色。若今西壁漆柱之類。瀟流也。

晏子問於子華子曰。聖人尚儉。於傳有之乎。子華子曰。有之。夫儉。聖人之寶也。所以御世之具也。三皇五帝之所留察也。晏子曰。嬰聞之。堯不以土階為陋。而有虞氏怵戒於塗。髹休。其尚儉之謂歟。子華子曰。何哉。大夫之所謂儉者。夫儉在內。不在外也。儉在我。不在物也。心居中。虛以治五官。精氣動薄。神化回瀉。嚴。畜其所以出。而謹節其所受。然後神宇泰定。而精不搖。其格物也。明其

此說有理可信。且叙有富貴之物。如登。

遇事也。剛。此之謂儉。而聖人之所寶也。所以御世之具也。三皇五帝之所留察也。何哉。夫大之所謂儉者。夫視入以為出。庾氏之職業也。操贏而制餘。商賈子之所為也。中人之家。計口然後食。閭里之志也。乃若天子者。大官也。有天下者。大器也。臨萬品。御萬民。窮天之產。罄地之毛。無有不共。無有不備。此則古今常尊之執也。奈何而以閭里之所志。商賈子之所為。庾氏之職業。仰而議夫堯舜之量哉。此腐儒之所守。而汙俗之所以相欺者也。土階塗髹之說。野人之所稱道。而於傳所不傳者也。本聞之。堯居於衢室之宮。垂衣而屨幅。邃如神明之居。輯

五瑞以見羣后。帶幅寫而入覲者。如衆星之共北。堯則
若固有之也。舜遊於巖廊之上。被袵衣而鼓五絃之琴。
畫日月於太常。備十有二章。黼黻玄黃爛如也。出則有
鸞和。動則有珮環。步趨中於莖韶之節。舜亦若固有之
也。夫堯舜之備物也如此。而惡有所謂土階三尺。茅茨
不剪者。惡有所謂塗髹以自怵戒者。此腐儒之所守。而
汙俗之所以相欺者也。故記所不道也。桀紂之亡天下
也。以不仁而不以奢也。戒奢者有禮存焉。禮之所存。可
約則殺。可豐則腆。豈有覽四海之賦。受九咳之經。入而
土階以居。欲有塗髹而不敢也。其不然也必矣。且先王

辨尤見痛

之制也。改玉則改行。旂旒冕璪以示登降之品。今汙世
人。不通於禮也。處尊而偏賤。居大而侵小。夫以王公之
尊。而圍隸以自奉。難為其下矣。不惟以陋于厥躬也。而
又傍無以施其族黨。上不豐其宗祧。曰吾以是為儉也。
不亦夷貊之人矣乎。晏子曰。善。微吾子。嬰無所聞之也。
終不敢以論約。

北宮意問

北宮意問曰。上古之世。天不愛其寶。是以日月淑清而
揚光。五星循畧而不失其次。鳳凰至。著龜兆。甘露下。竹
實滿。流黃出。朱草生。敢問何所修為。而至於是也。子華

辨端不可信
洞如觀火

子曰。異乎吾所聞。夫禎祥瑞應之物。有之足以備其數。無之不缺於治也。聖王不識也。君子不道也。治世所無有也。上古之世。居有以虛。宰多以少。所以同於人者。用舍也。所以異於人者。神明也。神明之運。其由也甚微。其効也甚徑。與變相蕩遷。與化相推移。陰陽不能更。四序不能虧。洞於纖微之域。通於恍惚之庭。挹之而不冲。注之而不滿。彼其視鳳凰麒麟也。豢牢之養爾。彼其視澧液甘露也。畎畝之寫爾。彼其視芝房竹實。凡草木之異者。畦圃之毓爾。彼其視玉石環怪。凡種種之族者。篋襲之蔽爾。故曰。聖王不識也。君子不道也。治世所無有也。

也。昔者有虞氏彈五絃之琴。以歌南風之詩。而光被四表格於上下。周公之佐成王也。希膳不徹於前。鐘鼓不解於懸。而歌雍詠勺。六服承德。凡禎祥瑞應之物。有之足以備其數。無之不缺於治。聖王已沒。天下大亂。父子失性。君臣失紀。未有甚於今日也。然且日月星辰。衡陳於上。與治世同焉而已矣。故曰。天道遠。人道邇。待著龜而襲吉。福之末也。顛蹶望拜而謁焉。其待則薄矣。故聖王不識也。君子不道也。治世所無有也。吾恐后世之人。主方且睢睢盱盱。唯此之事。而為人臣者。巧詐誕譎。以容悅於其君。舍其所當治。而責成於天。借或氣然而數

縹也。忽有鍾其變者。色澤狀貌。非耳目之所屬也。於是奉以為祥。君臣動色。士庶革聽。以至作為聲歌。而薦之於郊廟。錯采績畫。而以夸諸其臣民。奄然以為後世莫我之如也。彼其却數於上世。其所謂豢牢之養也。眀滄之寫也。畦圃之毓也。筐籠之藏也。章章焉如日星之在上也。乃始矜跂而以為希有之事。夷世而不可以幸冀者也。甚矣其亦弗該於帝王之量者矣。

晏子

名嬰。諡平仲。萊人也。博聞強記。通古今事。齊三世。盡以祿給親戚朋友。為書六篇。皆忠諫。其君意婉。文平不煩。註釋。

諫上

景公疥且瘡。暮年不已。召會譴梁丘據。晏子而問焉。曰。寡人之病病矣。使史固與祝佗。巡山川宗廟。犧牲瑤璧。莫不備具。數其常多。先君桓公。桓公一。則寡人再。病不已。滋甚。予欲殺二子者。以說於上帝。其可乎。會譴梁丘據曰。可。晏子不對。公曰。晏子何如。晏子曰。君以祝為有。

此與天旱欲殺
生死者何異

瘖不能言也

且夫一轉又妙

一以蒸柱公之

益乎。公曰：然。若以為有益，則詛亦有損也。君疏輔而遠，拂忠臣擁塞，諫言不出。臣聞之，近臣嘿，遠臣瘖。因衆口鑠金，今自聊攝以東，姑尤以西者，此其人民衆矣。百姓之咎，怨誹謔，詛君於上帝者多矣。一國詛，而人祝，雖善祝者不能勝也。且夫祝直言情，則謗吾君也；隱匿過則欺上帝也。上帝神，則不可欺；上帝不神，祝亦無益。願君察之也。不然，刑無罪，夏商所以滅也。

景公遊於麥丘，問其封人曰：年几何矣？對曰：鄙人之年八十五矣。公曰：壽哉！子其祝我。封人曰：使君之年長於胡，宜國家。公曰：善哉！子其復之。曰：使君之嗣壽皆若鄙

臣之年。公曰：善哉！子其復之。封人曰：使君無得罪於民。公曰：誠有鄙民得罪於君，則可；安有君得罪於民者乎？晏子諫曰：君過矣。彼疏者有罪，戚者治之；賤者有罪，貴者治之。君得罪於民，誰將治之？敢問桀紂君誅乎？民誅乎？公曰：寡人固也。於是賜封人麥丘以為邑。

齊大旱逾昔，景公召羣臣問曰：天不雨久矣，民且有饑色，吾使人卜云：祟在高山廣水，寡人欲少賦斂以祠靈山可乎？群臣莫對。晏子進曰：不可。祠此無益也。夫靈山固以石為身，以草木為髮。天久不雨，髮將焦，身將熱，彼獨不欲雨乎？祠之無益。公曰：不然，吾欲祠河伯可乎？

崇鬼為祀也

言類滑稽其實全理

晏子曰。不可。河伯以水為國。以魚鱉為民。天久不雨。泉將下。百川竭。國將亡。民將滅矣。彼獨不欲雨乎。祠之何益。景公曰。今為之奈何。晏子曰。君誠避宮殿。暴露與靈山河伯共憂其幸而雨乎。於是景公出野居。暴露三日。天果大雨。民盡得種時。景公曰。善哉。晏子之言。可無用乎。其維有德。

景公遊於牛山。北臨其國城而流涕曰。若何滂滂去此而死乎。艾孔。梁丘據皆從而泣。晏子獨笑於旁。公刷涕而顧晏子曰。寡人今日游。孔與據皆從。寡人而涕泣。子之獨笑何也。晏子對曰。使賢者常守之。則太公桓公將

讀此襟懷洒然
死生得喪皆寄
寓也

常守之矣。使勇者常守之。則莊公靈公將常守之矣。使君者將守之。則吾君安得此位而立焉。以其迭處之迭去之。至於君也。而獨為之流涕。是不仁也。不仁之君。見一諂諛之臣。見二此臣之所以獨竊笑也。

景公之時。雨雪三日而不霽。公被狐白之裘。坐堂側陛。晏子入見。立有間。公曰。恠哉。雨雪三日而天不寒。晏子對曰。天不寒乎。公笑。晏子曰。嬰聞古之賢君。飽而知人之饑。溫而知人之寒。逸而知人之勞。今君不知也。公曰。善。寡人聞命矣。乃令出裘。發粟與饑寒。令所睹於塗者無問其鄉。所睹於里者無問其家。循國計數。無言其名。

士既事者兼月。疾者兼歲。孔子聞之曰。晏子能明其所欲。景公能明其所善也。

景公畋於署梁。十有八日而不返。晏子自國往見公。比至衣冠不正。不革衣冠。望遊而馳。公望見晏子。下而急帶曰。夫子何為遽。國家無有故乎。晏子對曰。不亦急也。雖然。嬰願有復也。國人皆以君為安野而不安國。好獸而惡民。毋乃不可乎。公曰。何哉。吾為夫婦獄訟之不正乎。則泰士子牛存矣。為社稷宗廟之不享乎。則泰祝子游存矣。為諸侯賓客莫之應乎。則行人子羽存矣。為田野之不辟。倉庫之不實。則申田存焉。為國家之有餘不

公之君然任
臣專主在
魯斯有臣
答外荒而
事所諸臣

足聘乎。則吾子存矣。寡人之有五子。猶心之有四支。心有四支。故心得佚馬。今寡人有五子。故寡人得佚馬。豈不可哉。晏子對曰。嬰聞之。與君言異。若乃心之有四支。而心得佚馬。可得令四支無心。十有八日。不亦久乎。公於是罷畋而歸。

景公使圉人養所愛馬。暴死。公怒。令人操刀解養馬者。是時晏子侍前。左右執刀而進。晏子心而問於公曰。堯舜支解人。從何軀始。公矍然曰。從寡人始。遂不支解。公曰。以屬獄。晏子曰。此不知其罪而死。臣為君數之。使知其罪。然後致之獄。公曰。可。晏子數之曰。爾罪有三。公使

此所謂諷諫者
也。犯槐亡鳥。俱
同一意。錄此以
見其餘。

此說疊見國策
賢韓非諸書

汝養馬而殺之當死罪一也。又殺公之所家善馬當死罪二也。使公以一馬之故而殺人。百姓聞之必怨吾君。諸侯聞之必輕吾國。汝殺公馬使怨積於百姓。兵弱於隣國。汝當死罪三也。今以屬獄。公喟然嘆曰。夫子什之。夫子釋之。勿傷吾仁也。

問上

景公問於晏子曰。忠臣之事君也何若。晏子效曰。有難不死。出亡不送。公不悅曰。君裂地而封之。疏爵而貴之。君有難不死。出亡不送。可謂忠乎。對曰。言而見用。終身無難。臣奚死焉。謀而見從。終身不出。臣奚送焉。若言不用。有難而死之。是妄死也。謀而不從。出亡而送之。是詐偽也。故忠臣也者。能納善於君。不能與君陷於難。

問下

對向問晏子曰。齊國之德衰矣。今子何若。晏子對曰。嬰聞事明君者。竭心力以沒其身。行不逮則退。不以誣持祿。事惰君者。優游其身以沒其世。力不能則去。不以謏持危。且嬰聞君子之事君也。進不失忠。退不失行。不苟合以隱忠。可謂不失忠。不持利以傷廉。可謂不失行。對向曰。善哉。詩有之曰。進退維谷。其此之謂歟。

魯昭公棄國走齊。齊公問焉。曰。君何年之少。而棄國之

能悔於後者不
如謹於前

當是時景公侈
田氏奢故晏子

九之八

蚤奚道至於此乎。昭公對曰。吾少之時。人多愛我者。吾體不能親。人多諫我者。吾志不能用。是以內無拂而外無輔。輔拂無一人。諂諛我者甚衆。譬之猶秋蓬也。孤其根而美枝葉。秋風一至。根且拔矣。景公辨其言。以語晏子曰。使是人反其國。豈不為古之賢君乎。晏子對曰。不然。夫愚者多悔。不肖者自賢。弱者不問墜。迷者不問路。溺而後問墜。迷而後問路。譬之猶臨難而遽鑄丘。噎而遽掘井。雖速亦無及已。

襟上

晏子相齊。三年政平民說。梁丘據見晏子中食而肉不

晏子相齊父之
黨無不乘車者
母之党無不
食者妻之党
無凍餒者國之
間士待而奉人

足以告景公。旦日割地將封晏子。晏子辭不受。曰。富而不驕者。未嘗聞之。貧而不恨者。嬰是也。所以貧而不恨者。以善為師也。今封易嬰之師。師以輕。封以重矣。請辭。晏子方食。景公使使者至。分食食之。使者不飽。晏子亦不飽。使者反言之。公曰。嘻。晏子之家。若是其貧也。寡人不知。是寡人之過也。使吏致千金與市租。請以奉賓客。晏子辭。三致之。終再拜而辭。曰。嬰之家不貧。以君之賜。澤霑三族。延及交遊。以振百姓。君之賜也厚矣。嬰之家不貧也。嬰聞之。夫厚取之君而施之民。是臣代君君民也。忠臣不為也。厚取之君而不施於民。是為筐篋之

者教百家此晏
子一生行卓處
其文正公嘗
稱之亦素所符
契也

藏也。仁人不為也。進取於君。退得罪於士。身死而財遷
於它人。是為宰藏也。智者不為也。夫十總之布。一豆之
食。足於中免矣。景公謂晏子曰。昔吾先君桓公。以書社
五百封管仲。不辭而受。子辭之何也。晏子曰。嬰聞之。聖
人千慮。必有一失。愚人千慮。必有一得。得意者管仲之失。
而嬰之得者耶。故再拜而不敢受命。

外篇

仲尼之齊。見景公。而不見晏子。子貢曰。見君而不見從
政者可乎。仲尼曰。吾聞晏子事三君而順焉。吾疑其為
人。晏子聞之曰。嬰則齊之世民也。不維其行。不識其過。

詩云無二尔心
此之謂也

不能自立也。嬰聞之。有幸見愛。無幸見惡。誹譽為類。聲
響相應。見行而從之者也。嬰聞之。以一心事三君者。所
以順焉。以三心事一君者。不順焉。今未見嬰之行。而非
其順也。嬰聞之。君子獨立。不慚於影。獨寢。不慙於魂。孔
子拔樹削迹。不自以為辱。窮陳蔡。不自以為約。非人不
得其故。是猶澤人之非斤斧。山人之非網罟也。出之其
口。不知其困也。始吾望傳而貴之。今吾望傳而疑之。仲
尼聞之曰。語有之。言散於邇。不可亾於遠也。行存於身。
不可掩於眾也。吾竊議晏子。而不中夫人之過。吾罪幾
矣。丘聞君子過人。以為友。不及人。以為師。今丘失言於

兼愛

此段是墨家本音


盜愛其室。不愛其異室。故竊異室以利其室。賊愛其身。不愛人。故賊人以利其身。此何也。皆起不相愛。雖至大夫之相亂家。諸侯之相攻國者亦然。大夫各愛其家。不愛異家。故亂異家以利家。諸侯各愛其國。不愛異國。故攻異國以利其國。天下之亂物。具此而已矣。

魯問

魯陽文君謂子墨子曰。有語我以忠臣者。令之俯則俯。令之仰則仰。處則靜。呼則應。可謂忠臣乎。子墨子曰。令之俯則俯。令之仰則仰。是似景也。處則靜。呼則應。是似

響也。字極效

響也。君將何得於景與響哉。若以翟之所謂忠臣者。上有過則微之以諫。已有善則訪之上。而無敢以告外。匡其邪而入其善。上而無下比。以美善在上。而怨讐在下。安樂在上。而憂感在臣。此翟之所謂忠臣者也。



權出二句言權
之出于戰者非
中人所能也
方向也內得四
句承上言如此
則內之民得其
息愛也為之守

司馬子

齊司馬穰苴撰威王使大夫追論古者司馬兵法
而附穰苴其中因號司馬兵法天台方氏曰司馬
言論猶有先王遺意至於駁而不純譎而不正者
則穰苴所附著云

仁本

古者以仁為本以義治之之謂正正不獲則權權出於
戰不出於中人是故殺人安人殺之可也攻其國愛其
民攻之可也以戰止戰雖戰可也故仁見親義見說智
見恃勇見方信見信內得愛焉所以守也外得威焉所

外之兵得其威
嚴有為之戰時
農時也不歷民
病不經歷疫癘
之時其民鄰國
之民

縱作從不戰而
退軍為緩

以上六德因時
合衆而教之以
為民紀之道古
之善軍政者蓋
如此官民之言
官其民之有德

治而使正官
名以治民物也

以戰也。戰道不違時。不歷民病。所以愛吾民也。不加喪
不因凶。所以愛夫其民也。冬夏不興師。所以無愛其民
也。故國雖大。好戰必亡。天下雖安。忘戰必危。天下既平。
天子大愷。春蒐。秋獮。諸侯春振旅。秋治兵。所以不忘戰
也。古者逐奔不過百步。縱綏不過三舍。是以明其禮也。
不窮不能而哀憐傷病。是以明其仁也。成列而鼓。是以
明其信也。爭義不爭利。是以明其義也。又能舍服。是以
明其勇也。知終知始。是以明其智也。六德以時合教。以
為民紀之道也。自古之政也。先王之治。順天之道。設地
之宜。官民之德。而正名治物。立國辯職。以爵分祿。諸侯

說懷。海內來服。獄弭而兵寢。聖德之至也。其次賢王制
禮樂法度。乃作五刑。興甲兵以討不義。巡狩省方。會諸
侯。考不同。其有失命。亂常悖德。逆天之時。而危有功之
君。徧告於諸侯。彰明有罪。乃告於皇天上帝。日月星辰。
禱於后土四海神祇山川冢社。乃告於先王。然後冢宰
徵師於諸侯。曰。某國為不道。征之。以某歲月日。師至於
某國。會天子正刑。冢宰與百官布令於軍。曰。入罪人之
地。無暴神祇。無行田獵。無毀土功。無燔墻屋。無伐林木。
無取六畜禾黍器械。見其老幼。奉歸勿傷。雖遇壯者。不
校無敵。敵若傷之。醫藥歸之。既誅有罪。王及諸侯修正

禮記卷之九
禮運第九

天子行事純去
小法天地之生
以收藏而為仁
義禮智之用是

富然之美我也若
先聖又先我而
法天地者故法
天地又當觀先
聖也方同句言
方向同而意氣
和也
聽又斷國中軍
旅之事

極修極其備奉
極省極其簡省
體俗體驗而成
俗也

教可復言教化
可以復行也

其國舉賢立明。正刑授職。王霸之所以治諸侯者六。以
土地形諸侯。以政令平諸侯。以禮信親諸侯。以財力說
諸侯。以謀人維諸侯。以兵革服諸侯。同利同患。以合諸
侯。比小事大。以和諸侯。會之以法禁者九。馮弱犯寡。則
背之。賊賢害民。則伐之。暴內陵外。則壇之。野荒田散。則
削之。負固不服。則侵之。賊殺其親。則正之。放弑其君。則
殘之。犯令陵政。則杜之。外內亂禽獸行。則滅之。

天子

天子之義。必純取法天地。而觀於先聖。士庶之義。必奉
於父母。而正於君長。故雖有明君。士不先教。不可用也。

古之教民。必立貴賤之倫。經使不相陵。德義不相踰。材
技不相掩。勇力不相犯。故方同而意和也。古者國容不
入軍。軍容不入國。故德義不相踰。上貴不伐之士。不伐
之士。上之器也。苟不伐。則無求。無求則不爭。國中之聽
必得其情。軍旅之聽。必得其宜。故材技不掩。從命為士
上賞。犯命為士上戮。故勇力不相犯。既致教。其民然後
謹選。而使之。事極修。則百官給矣。教極省。則民興良矣。
習貫成。則民體俗矣。教化之至也。古者逐奔不遠。縱綏
不及。不遠則難誘。不及則難陷。以禮為固。以仁為勝。既
勝之後。其教可復。是以君子貴之也。有虞氏戒於國中。

雜多也

勸君子固以彰德
德懼小人則善者
益功亦以彰德也

欲民體其命也。夏后氏誓於軍中。欲民先成其慮也。殷誓於軍門之外。欲民先意以待事也。周將交刃而誓之。以致民志也。夏后氏正其德也。未用兵之刃。故其兵不雜。殷義也。始用兵之刃矣。周力也。盡用兵之刃矣。夏賞於朝。貴善也。殷戮於市。威不善也。周賞於朝。戮於市。勸君子懼小人也。三王彰其德一也。

古者賢王明民之德。盡民之善。故無廢德。無簡民。賞無所生。罰無所試。有虞氏不賞不罰而民可用。至德也。夏賞而不罰。至教也。殷罰而不賞。至威也。周以賞罰。德衰也。賞不踰時。欲民速得為善之利也。罰不遷列。欲民速

按前二章所述
與合王者征伐
之法已後皆涉
詭譎權謀故不
錄

觀為不善之害也。大捷不賞。上下皆不伐善。上苟不伐善。則不驕矣。下苟不伐善。則必亡等矣。上下不伐善。若此。讓之至也。大敗不誅。上下皆以不善在已。上苟以不善在已。必悔其過。下苟以不善在已。必遠其罪。上下分惡。若此。讓之至也。

孫子兵法卷之六
孫子兵法卷之六
孫子兵法卷之六

孫子兵法卷之六
孫子兵法卷之六
孫子兵法卷之六

孫武子

齊人為吳王闔廬將著此書魏武筆其精粹為十
三篇往往舍心鑿竒背義依詐流毒至今未已然
其詞約而縟易而深暢而可用文士亦當盡心云

始計

孫子曰。兵者國之大事。死生之地。存亡之道。不可不察也。故經之以五事。校之以計。而索其情。一曰道。二曰天。三曰地。四曰將。五曰法。道者。令民與上同意。可與之死。可與之生。而不畏危也。天者。陰陽寒暑時制也。地者。遠近險易。廣狹死生也。將者。智信仁勇嚴也。法者。曲制官

以五事為經常
而較量以計以
探索彼已勝負
之情

時制順陰陽寒
暑之時以制其
宜也將者句選
符簡此五德法

者言部曲有制分官有道費用有主也此段申言校之以計而索其情也主孰以七事即計也計利以下言五事七計之計既利矣將亦听命矣內謀已成又為之勢以輔佐其外因利制權日吾以便利而制利宜者也故能以下十四事皆詭道也此兵家所以制勝不可先傳世于人而算得算于廟

廟之上也廟戰亦勝皆本此

言用兵之眾費用之煩苟久戰于外則自貽其患矣戰雖勝人久則無利兵隋大業初煬帝重兵好征力屈雁門兵挫遼水疏河引淮轉輸雖竭于揚玄感李密乘弊而起繼蘇威高穎豈能為之謀哉再籍不復歸國

道主用也。凡此五者。將莫不聞。知之者勝。不知者不勝。故校之以計。而索其情。曰主孰有道。將孰有能。天地孰得。法令孰行。兵眾孰強。士卒孰練。賞罰孰明。吾以此知勝負矣。將聽吾計。用之必勝。留之將不聽吾計。用之必敗。去之計利。以聽。乃為之勢。以佐其外。勢者。因利而制權也。兵者。詭道也。故能而示之不能。用而示之不用。近而示之遠。遠而示之近。利而誘之。亂而取之。實而備之。強而避之。怒而撓之。卑而驕之。佚而勞之。親而離之。攻其無備。出其不意。此兵家之勝。不可先傳也。夫未戰而廟算勝者。得算多也。未戰而廟算不勝者。得算少也。多

作戰

算勝。少算不勝。而况於無算乎。吾以此觀之。勝負見矣。孫子曰。凡用兵之法。馳車千駟。單車千乘。帶甲十萬。千里饋糧。內外之費。賓客之用。膠膝之材。車甲之奉。日費千金。然後十萬之師舉矣。其用戰也。勝久則鈍。兵挫銳。攻城則力屈。久暴師。則國用不足。夫鈍兵挫銳。屈力殫貨。則諸侯乘其敝而起。雖有智者。不能善其後矣。故兵聞拙速。未覩巧之久也。夫兵久而國利者。未之有也。故不盡知用兵之害者。則不能盡知用兵之利也。善用兵者。役不再籍。糧不三載。取用於國。因糧於敵。故軍食可

發兵也不三載始載糧後遂回食于敵還兵入國不復以糧迎之也貴賈近師之虞貨物皆貴百姓亦為近師而貴買之故財盡立牛大牛也意豈稻也秆木葉也所以餵馬此因糧于敵之利也

足也。國之貧於師者遠輸。遠輸則百姓貧。近師者貴賈。貴賈則百姓財竭。財竭則急於丘役。力屈財殫。中原內虛於家。百姓之費。十去其七。公家之費。破軍罷馬。甲冑弓矢。戟楯矛櫓。丘牛大車。十去其六。故智將務食於敵。食敵一鍾。當吾二十鍾。意忌 秆得 一石。當吾二十石。故殺敵者怒也。取敵之利者貨也。車載得車十乘以上。賞其先得者。而更其旌旗。車雜而乘之。卒善而養之。是謂勝敵而益強。故兵貴賤不貴久。故知兵之將。民之司命。國家安危之主也。

謀攻

全國是據其都邑絕其糧援使自降也破攻破也萬二千五百人為軍五百人為旅五人為伍伐謀敵始有謀而伐之伐交敵將相交而伐之伐兵敵兵已形而伐之檣大楯也輶輜其下四輪從中推之至城下也距闔踊土為山與城相拒蟻附言使士卒援城而上如蟻附牆也

孫子曰。凡用兵之法。全國為上。破國次之。全軍為上。破軍次之。全旅為上。破旅次之。全卒為上。破卒次之。全伍為上。破伍次之。是故百戰百勝。非善之善者也。不戰而屈人之兵。善之善者也。故上兵伐謀。其次伐交。其次伐兵。其下攻城。攻城之法。為不得已。修櫓輶輶 輜溫 具器械。三月而後成。距闔。又三月而後已。將不勝其忿而蟻附之。殺士卒三分之一。而城不拔者。此攻之災也。故善用兵者。屈人之兵。而非戰也。拔人之城。而非攻也。毀人之國。而非久也。必以全爭于天下。故兵不頓而利可全。此謀攻之法也。故用兵之法。十則圍之。五則攻之。倍則

守或作遊

周謀之周家際
謀之漏泄

縻絆也昔趙充
國欲為屯田漢
宣必令決戰孫
皓臨滅賈充為
請班師此不知
進退之謂也
亂軍引勝是自
勝我也

不御君任能將
但責成功不羈
縻其進退

勝可知而不可
為言已有制勝
之形可以知而
為之若敵人無
可乘之形則不
可必為也守則
二句言守者每
以力之不足攻
者每以力之有
餘
凡敵未形而勝
之則易已形而
勝之則難故善
戰者攻其易勝
而不攻其難勝
也

分。之。敵。則。能。戰。之。少。則。能。守。之。不。若。則。能。避。之。故。小。敵
之。堅。大。敵。之。擒。也。夫。將。者。國。之。輔。也。輔。周。則。國。必。強。輔
隙。則。國。必。弱。故。君。之。所。以。患。於。軍。者。三。不。知。軍。之。不。可
以。進。而。謂。之。進。不。知。軍。之。不。可。以。退。而。謂。之。退。是。謂。縻
軍。不。知。三。軍。之。事。而。同。三。軍。之。政。則。軍。士。惑。不。知。三。軍
之。權。而。同。三。軍。之。任。則。軍。士。疑。矣。三。軍。既。惑。且。疑。則。諸
侯。之。難。至。矣。是。謂。亂。軍。引。勝。故。知。勝。有。五。知。可。以。與。戰。
不。可。以。與。戰。者。勝。識。衆。寡。之。用。者。勝。上。下。同。欲。者。勝。以
虞。待。不。虞。者。勝。將。能。而。君。不。御。者。勝。此。五。知。勝。之。道。也。
故。曰。知。彼。知。已。百。戰。不。殆。不。知。彼。而。知。已。一。勝。一。負。不。知
彼。不。知。已。百。戰。必。敗。

軍形

孫子曰。昔之善戰者。先為不可勝。以待敵之可勝。不可
勝在已。可勝在敵。故善戰者。能為不可勝。不能使敵之
必可勝。故曰。勝可知而不可為。不可勝者。守也。可勝者
攻也。守則不足。攻則有餘。善守者。藏於九地之下。善攻
者。動於九天之上。故能自保而全勝也。見勝不過眾人
之所知。非善之善者也。戰勝而天下曰善。非善之善者
也。故舉秋毫不為多力。見日月不為明目。聞雷霆不為
聰耳。古之所謂善戰者。勝於易勝者也。故善戰者之勝

不惑言百戰百勝無一差忒也。已敗敵有敗形也。道又義法。又令度又其地遠近險易廣狹量。又其人力多寡。強弱救機械。又詐之術。稱我與敵相稱。鎰重銖輕。重能牽輕。又不能牽重。故勝敗分焉。

部曲為分什伍。為數各有統制。則不難治。旌旗曰形。金鼓曰名。各有節制。則不與敵大眾所合。

為正將所自出。為奇。心莫測。則三軍無敗。以我之實擊彼之虛。則如以礪石投鳥卵之易矣。毀拆。飛鳥之翼也。節制也。險疾也。短近也。曠張也。昔魏義破公孫督。發伏數十步內。周訪敗杜曾。奔赴三十里外。得勢險節短之義。此又承上而言。兵有分數。其戰鬪似亂而不可亂。兵有形名。其

也。無智名。無勇功。故其戰勝不惑。不惑者其所措勝。勝已敗者也。故善戰者立於不敗之地。而不失敵之敗也。是故勝兵先勝而後求戰。敗兵先戰而有求勝。善用兵者修道而保法。故能為勝敗之政。兵法。一曰度。二曰量。三曰數。四曰稱。五曰勝。地生度。度生量。量生數。數生稱。稱生勝。故勝兵若以鎰稱銖。敗兵若以銖稱鎰。勝者之戰。若決積水於千仞之谿者。形也。

兵勢

孫子曰。凡治眾如治寡。分數是也。鬪眾如鬪寡。形名是也。三軍之眾。可使必受敵。而無敗者。奇心是也。兵之所

加。如以礪投卵者。虛實是也。凡戰者。以正合。以奇勝。故善出奇者。無窮如天地。不竭如江海。終而復始。日月是也。死而更生。四時是也。聲不過五。五聲之變。不可勝聽也。色不過五。五色之變。不可勝觀也。味不過五。五味之變。不可勝嘗也。戰勢不過奇正。奇正之變。不可勝窮也。奇正相生。如循環之無端。孰能窮之哉。激水之疾。至於漂石者。勢也。鷙鳥之疾。至於毀折者。節也。故善戰者。其勢險。其節短。勢如彊弩。節如發機。紛紛紜紜。鬪亂而不可亂。渾渾沌沌。形圓而不可敗。亂生於治。怯生於勇。弱生於強。治亂數也。勇怯勢也。強弱形也。故善動敵

布陳形負而不
可敗形以弱形
誘敵也不責之
于人責之不
才人也

此篇言兵貴實
不貴虛實敵之
實為虛實我之
虛為實也
致者使也此以
據形勝之先後
言主客之勢也
利之利以誘其
未害之計絕其
不得來

爭異也設其異
以迎之使敵疑
懼不敢戰也形
人向言我使人
以形而實無形

者。形之敵必從之。予之敵必取之。以利動之。以卒待之。故善戰者。求之於勢。不責於人。故能擇人而任勢。任勢者。其戰人也。如轉木石。木石之性。安則靜。危則動。方則心。圓則行。故善戰人之勢。如轉圓石於千仞之山者。勢也。

虛實

孫子曰。凡先處戰地而待敵者。佚。後處戰地而趨戰者。勞。故善戰者。致人而不致於人。能使敵人自至者。利之也。能使敵人不得至者。害之也。故敵佚能勞之。飽能飢之。安能動之。出其不趨。趨其所不意。行千里而不勞。

者。行于無人之地也。攻而必取者。攻其所不守也。守而必固者。守其所不攻也。故善攻者。敵不知其所守。善守者。敵不知其所攻。微乎微乎。至于無形。神乎神乎。至於無聲。故能為敵之司命。進而不可禦者。衝其虛也。退而不可追者。速而不可及也。故我欲戰。敵雖高壘深溝。不得不與我戰者。攻其所必救也。我不欲戰。雖畫地而守之。敵不得與我戰者。乖其所之也。故形人而我無形。則我專而敵分。我專為一。敵分為十。是以十攻其一也。則我眾敵寡。能以眾擊寡。則吾之所以與戰者。約矣。吾所與戰之地不可知。不可知。則敵所備者多。敵所備者多。

策之侵言敵之
虛實也籌策之
而預知敵計得
夫激作之而探
知敵情動靜以
強弱之形示之
而敵人所處
死生之地以銳
兵左右角觸之
而知敵人有餘
不足之處得動
生有餘實也實
則宜備矣失靜
死不足虛也虛
則宜擊矣

軍門為和門合
聚軍眾交對於
和門而舍心故
曰交和而舍用
軍宜先爭便利
故謂之軍爭途
之曲者為迂不
者本所患也今

則吾所與戰者寡矣。故備前則後寡，備後則前寡，備左則右寡，備右則左寡。無所不備，則無所不寡。寡者備人者也。眾者使人備己者也。故知戰之地，知戰之日，則可千里而會戰；不知戰地，不知戰日，則左不能救右，右不能救左，前不能救後，後不能救前。而况遠者數千里，近者數里乎？以吳度之，越人之兵雖多，亦奚益於勝哉？故曰：勝可為也。敵雖眾，可使無鬪；故策之而知得失之計，作之而知動靜之理，形之而知死生之地，角之而知有餘不足之處。故形兵之極，至於無形；無形，則深間不能窺，智者不能謀。因形而措勝於眾，眾不能知；人皆知我

所以勝之形，而莫知吾所以制勝之形，故其戰勝不復而應形於無窮。夫兵形象水，水之形避高而趨下，兵之形避實而擊虛。水因地而制流，兵因敵而制勝。故兵無常勢，水無常形。能因敵變化而取勝者，謂之神。故五行無常勝，四時無常位，日有短長，月有死生。

軍爭

孫子曰：凡用兵之法，將受命於君，合軍聚眾，交和而舍，莫難於軍爭。軍爭之難者，以迂為直，以患為利。故迂其途而誘之以利，後人發，先人至。此知迂直之計者也。軍爭為利，眾爭為危。舉兵而爭利，則不及；委軍而爭利，則

于迂曲之途詭以為直而反以所患者為利故自迂途而去而以所利者誘人使之貪戀則我雖後人而發得以先人而至此知迂直之計者也軍爭以下言軍之所爭為利若大衆而爭之則失利而為危蓋奉人軍而爭利則行緩不及委棄大軍而爭利則輜重皆在所損惟行不能及則與人爭利於百里之外者

人為敵擒吾三得軍兵之勁者在先疲者在後其法十分中一分先至而九分未至也輜重衣甲器械也豫交求援也鄉導用彼處鄉人引導也如林舒慙也如陰潛藏也分眾抄掠必分兵為數道分利得敵地必分守利害懸權如衡懸於秤量已定然後動也

輜重指是故卷甲而趨。日夜不處。倍道兼行百里而爭利。則擒三將軍。勁者先。疲者後。其法十一而至。五十里而爭利。則蹶上將軍。其法半至。三十里而爭利。則三分之一至。是故軍無輜重則亡。無糧食則亡。無委積則亡。故不知諸侯之謀者。不能豫交。不知山林險阻沮澤之形者。不能行軍。不用鄉導者。不能得地利。故兵以詐立。以利動。以分合為變者也。故其疾如風。其徐如林。侵掠如火。不動如山。難知如陰。動如雷霆。掠鄉分眾。廓地分利。懸權而動。先知迂直之計者勝。此軍爭之法也。軍政曰。言不相聞。故為之金鼓。視不相見。故為之旌旗。夫金

鼓旌旗者。所以一人之耳目也。人既專一。則勇者不得獨進。怯者不得獨退。此用眾之法也。故夜戰多火鼓。晝戰多旌旗。所以變人之耳目也。三軍可奪氣。將軍可奪心。是故朝氣銳。晝氣惰。暮氣歸。善用兵者。避其銳氣。擊其惰氣。此治氣者也。以治待亂。以靜待譁。此治心者也。以近待遠。以佚待勞。以飽待飢。此治力者也。無邀正正之旗。勿擊堂堂之陣。此治變者也。故用兵之法。高陵勿向。背兵勿逆。佯北勿從。銳卒勿攻。餌兵勿食。歸師勿遏。圍師必闕。窮寇勿追。此用兵之法也。

九地

曰戰敵于境內也士卒懷內顧之心而易散故曰散地士卒重進而輕退故曰輕地三屬三面連屬隣國也士卒重于退還故曰重地道路毀壞而不可心故曰圯地

無絕不絕續也合交通和也則行急行去也

奪其所愛言敵我境當先奪其所欲之地利糧食則敵之進退自听乎我矣敵境者為客入之深則有必死之志其心專一故主人不克勝也謹養二句言當養其氣力運兵二句言當運其計謀投之以下言投兵士于危地而無所往則自然死戰

孫子曰。用兵之法。有散地。有輕地。有爭地。有交地。有衢地。有重地。有圯地。有圍地。有死地。諸侯自戰其地者。為散地。入人之地而不深者。為輕地。我得亦利。彼得亦利者。為爭地。我可以往。彼可以來者。為交地。諸侯之地。三屬。先至而得天下之眾者。為衢地。入人之地。深。背城池多者。為重地。山林險阻。沮澤。凡難行之道者。為圯地。所由入者。隘。所從歸者。迂。彼寡可以擊吾之眾者。為圍地。疾戰則存。不疾戰則亡者。為死地。是故散地則無戰。輕地則無心。爭地則無攻。交地則無絕。衢地則合。交。重地則掠。圯地則行。圍地則謀。死地則戰。古之善用兵者。能

使敵人前後不相及。眾寡不相恃。貴賤不相救。上下不相收。卒離而不集。兵合而不齊。合於利而動。不合於利而心。敢問敵眾整而將來。待之若何。曰。先奪其所愛。則聽矣。兵之情。主速。乘人之不及。由不虞之道。攻其所不戒也。凡為客之道。深入則專。主人不克。掠於饒野。三軍之食。謹養而勿勞。并氣積力。運兵計謀。為不可測。投之無所往。死且不北。死焉不得。士人盡力。兵士甚陷。則不懼。無所往。則固。入深則拘。不得已。則鬪。是故其兵不修而戒。不求而得。不約而親。不令而信。禁祥去疑。至死無所之。吾士無餘財。非惡貨也。無餘命。非惡壽也。令發之

而不奔走其力
必盡心必慎矣
固人心堅固拘
人心拘一祥妖
祥疑孤疑也諸
專諸也剽曾剽
也方縛馬也埋
輪使不動也言
如此未足為固
惟在勇力之齊
萬人若一此軍
政之道也

兵法圍師必闕
誘以生路我反
自塞之令士卒
各力戰也

日。士卒坐者涕霑襟。偃卧者涕交頤。投之無所往。則諸
剽之勇也。故善用兵者。譬如率然。率然者。常山之蛇也。
擊其首。則尾至。擊其尾。則首至。擊其中。則首尾俱至。敢
問。可使如率然乎。曰。可。夫吳人與越人相惡也。當其同
舟濟而遇風。其相救也。如左右手。是如方馬埋輪。未只
恃也。齊勇若一。政之道也。剛柔皆得。地之理也。故善用
兵者。携手若使一人。不得已也。將軍之事。靜以幽。正以
治。能愚士卒之耳目。使之無知。易其事。革其謀。使人無
識。易其居。迂其途。使人不得慮。帥與之期。如登高而去
其梯。帥與之深入。諸侯之地。而發其機。若驅羣羊。驅而

往。驅而來。莫知所之。聚三軍之衆。投之於險。此將軍
事也。九地之變。屈伸之利。人情之理。不可不察也。凡為
客之道。深則專。淺則散。去國越境而師者。絕地也。四通
者。衢地也。入深者。重地也。入淺者。輕地也。背固前隘者。
圍地也。無所往者。死地也。是故散地。吾將一其志。輕地。
吾將使之屬。爭地。吾將趨其後。交地。吾將謹其守。衢地。
吾將固其結。重地。吾將繼其食。圯地。吾將進其途。圍地。
吾將塞其闕。死地。吾將使之不活。故兵之情。圍則禦。不
得已則鬪。過則從。是故不知諸侯之謀者。不能豫交。不
知山林險阻。沮澤之形者。不能行軍。不用鄉導者。不能

四五者謂九地

不爭天下之交
使各絕其交也
不養天下之權
奪其私也信作
伸如此然後得
伸已之私謀無
法之賞言賞不
拘常法無政之
今言令不執常
政犯用也
并敵句言并力
于敵而專一向
之夷闕折符其
闕折符毀折符
信也厲淳屬也
誅責成也微無
也踐墨守常法
不妄動也開戶

靈可攻之隙也

釋事操持農事

取于鬼神禱祝
鬼神也象于事
比類故事也驗
于度推其度殺
也神紀神妙之
大紀官彼國賊

中居文齋子集卷二

三十九

得地利。四五者一不知。非霸王之兵也。夫霸王之兵。伐大國。則其衆不得聚。威加於敵。則其交不得合。是故不爭天下之交。不養天下之權。信已之私。威加敵。故其城可拔。其國可隳。施無法之賞。懸無政之令。犯三軍之衆。若使一人犯之。以事。勿告以言。犯之以利。勿告以害。投之亡地。然後存。陷之死地。然後生。夫衆陷於害。然後能為勝敗。故為兵之事。在順詳敵之意。并敵一向。千里殺將。是謂巧能成事。是故政舉之日。夷闕折符。無通其使。屬於廟堂之上。以誅其事。敵人開闔。必亟入之。先其所愛。微與之期。踐墨隨敵。以決戰事。是故始如處女。敵人開戶。後如脫兔。敵不及拒。

用間

孫子曰。凡興師十萬。出征千里。百姓之費。公家之奉。日費千金。內外騷動。怠於道路。不得操事者。七十萬家。相守數年。以爭一日之勝。而愛爵祿百金。不知敵之情者。不仁之至也。非人之將也。非主之佐也。非勝之主也。故明君賢將。所以動而勝人。成功出於衆者。先知也。先知者。不可取於鬼神。不可象於事。不可驗於度。必取於人。知敵之情者也。故用間有五。有因間。有內間。有反間。有死間。有生間。五間俱起。莫知其道。是謂神紀。人君之寶。

四十一

刑之官或受我
之孫子敵間敵
事來探事情者
死間以當刑假
赦其罪遣之誰
以事而佯泄之
使知則必擒而
間者以遣告彼
必以為實而殺
之則我計行矣
生間者使歸以
敵情告我也

也。因間者。因其鄉人而用之。內間者。曰其官人而用之。反間者。因其敵間而用之。死間者。為誑事於外。令吾間知之。而傳於敵間也。生間者。反報也。故三軍之事。莫親於間。賞莫厚於間。事莫密於間。非聖智不能用間。非仁義不能使間。非微妙不能得間之實。微哉。微哉。無所不用間也。間事未發。而先聞者。間與所告者皆死。凡軍之所欲擊。城之所欲攻。人之所欲殺。必先知其守將。左右。謁者。門者。舍人之姓名。令吾間必索知之。必索敵間之來間我者。因而利之。導而舍之。故反間可得而用也。因是而知之。故鄉間內間可得而使也。因是而知之。故死間為誑事。一可使告敵。因是而知之。故生間可使如期。五間之事。主必知之。知之必在於反間。故反間不可不厚也。昔殷之興也。伊摯在夏。周之興也。呂牙在殷。故明君賢將。能以上智為間者。必成大功。此兵之要。三軍所恃而動也。

子集卷二終

中原文獻子集卷二

本若有心於生
化形色則豈能
官天地府萬物
賡群生而不匱
乎

不出所位謂皆
有素分不可逆
也

凡此皆無為之
職謂至無者能
為萬變之宗主
也

羶羊脂也又羊
氣也

因此言而觀天
地委形非我有
也飭愛色類矜
伐智能已為惑
美至於橫認外
物為已有標名

故生物者不生。化物者不化。自生自化。自形自色。自智
自力。自消自息。謂之生化。形色智力消息者非也。
子列子曰。天地無全功。聖人無全能。萬物無全用。故天
職生覆地。職形載聖。職教化。物職所宜。然則天有所短。
地有所長。聖有所否。物有所通。何則。生覆者不能形載。
形載者不能教化。教化者不能遠所宜。互定者不出所
位。故天地之道。非陰則陽。聖人之教。非仁則義。萬物之
宜。非柔則剛。此皆隨所宜而不能出所位者也。有生者
有色者。有味者。有聲者。有聲者。有聲者。有色者。
有色者。有味者。有味者。生之所生者死矣。而生生

者未嘗終。形之所形者實矣。而形形者未嘗有。聲之所
聲者聞矣。而聲聲者未嘗發。色之所色者彰矣。而色色
者未嘗顯。味之所味者嘗矣。而味味者未嘗呈。皆無為
之職也。能陰能陽。能柔能剛。能短能長。能圓能方。能生
能死。能暑能涼。能浮能沉。能宮能商。能出能沒。能玄能
黃。能甘能苦。能羶。能香。無知也。無能也。而無不知也。
而無不能也。

齊之國氏大富。宋之向氏大貧。自宋之齊。請其術。國氏
告之曰。吾善為盜。始吾為盜也。一年而給。三年而足。三
年大壤。自此以往。施及州閭。向氏大喜。喻其為盜之言。

氏以自異倚親
族以自固整章
廉以耀物藉名
位以動眾封殖
貨財樹立權黨
終身於玩莫由
自悟不又惑之
意耶

天尚不能自生
豈能生物人尚
不能自有豈能
有物此乃明其
自生自有也

而不喻其為盜之道。遂踰垣鑿室。手目所及。亡不探也。未及時以賊獲罪。沒其先居之財。向氏以國氏之謬已也。往而怨之。國氏曰。若為盜若何。向氏言其狀。國氏曰。嘻。若失為盜之道至此乎。今將告若矣。吾聞天有時。地有利。吾盜天地之時。利雲雨之滂潤。山澤之產育。以生吾禾。植吾稼。築吾垣。建吾舍。陸盜禽獸。水盜魚鱉。亡非盜也。夫禾稼土木禽獸魚鱉。皆天之所生。豈吾之所有。然吾盜天而無殃。夫金玉珍寶。谷帛財貨。人之所聚。豈天之所與。若盜之而獲罪。孰怨我。向氏大惑。以為國氏之重岡已也。過東郭先生問焉。東郭先生曰。若一身庸

非盜乎。盜陰陽之和以成若生。載若形。况外物而非盜哉。誠然天地萬物不相離也。認而有之。皆惑也。國氏之盜。公道也。故亡殃。若之盜。私心也。故得罪。有公私者。亦盜也。亡公私者。亦盜也。公公私私。天地之德。知天地之德者。孰為盜耶。孰為不盜耶。

仲尼

鄧析謂伯豐子曰。汝知養養之義乎。受人養而不能自養者。犬豕之類也。養物而物為我用者。人之力也。使汝之徒。食而飽。衣而息。執政之功也。長幼羣聚而為牢藉庖厨之物。奚異犬豕之類乎。伯豐子不應。伯豐子之從

養人者。養於人
者。所謂養也。

牢。牲牢也。藉。以
竹木圍繞。以藉
魚者。

机巧能之人

事立則有所不周。藝成則有所兼。巧均而智敵者。則不能相君御者也。

總言宇宙無所窮極

者越次而進。曰大夫不聞齊魯之多機乎。有善治土木者。有善治金革者。有善治聲樂者。有善治書數者。有善治軍旅者。有善治宗廟者。羣才備也。而無相位者。無能相使者。而位之者無知。使之者無能。而知之與能為之使焉。執政者。乃吾之所使。子奚矜焉。鄧析無以應。目其徒而退。

湯問

殷湯問於夏革曰。古初有物乎。夏革曰。古無無物。今惡得物。後之人將謂今之無物可乎。殷湯曰。然則物無先後乎。夏革曰。物之終始。初無極已。始或為終。終或為始。

齊中也。管今柳城。古營州也。九夷。狄七戎六蠻。謂之四海。觚竹。北戶。西王母。日本。謂之四荒。申。秦。遠西。郊國。南。之。鈇。北。况。栗。謂之四極。含天地者。万物。

惡知其紀。然自物之外。自事之先。朕所不知也。殷湯曰。然則上下八方有極盡乎。革曰。不知也。湯固問革曰。無則無極。有則有盡。朕何以知之。然無極之外。復無無極。無盡之中。復無無盡。無極復無無極。無盡復無無盡。朕以是知其無極無盡也。而不知其有極有盡也。湯又問曰。四海之外。奚有。革曰。猶齊州也。湯曰。汝奚以實之。革曰。朕東行至營。人民猶是也。問營之東。復猶營也。西行至函。人民猶是也。問函之西。復猶函也。朕以是知四海四荒。四極之不異是也。故大小相含。無窮極也。含萬物者。亦如含天地。含萬物也。故不窮。含天地也。故無極。朕

中原文獻子集卷之三

也容天地者太
虛也

箕裘皆源委屈
三接而後成器
為弓冶者調筋
角和金鐵亦然
故學先攻其所
易然後能成其
所難也
履木而行其說
似迂現今人緣
竿復繩而躡履
者列子言此不
過以為世間技
且有此神妙况
學道者乎

此言造父善御
得車與之整齊
在於轡御之際
喻人君得民心
則國安也
一車六馬故云
二十四蹄

命者必然之期
素定之分也雖
此事未驗而此
理已然

亦馬知天地之表不有大天地者乎

造父之師曰秦豆氏造父之始從習御也執禮甚卑秦
豆三年不告造父執禮愈謹乃告之曰古詩言良弓之
子必先為箕良冶之子必先為裘汝先觀吾趣趣如吾
然後六轡可持六馬可御造父曰唯命所從秦豆乃立
木為塗僅可容足計步而置履之而行趣走往還無跌
失也造父學之三日盡其巧秦豆歎曰子何其敏也得
之捷乎凡所御者亦如此也曩汝之行得之於足應之
於心推於御也齊輯乎轡御之際而急緩乎唇吻之和
正度乎胸臆之中而執節乎掌握之間內得於中心而

外合於馬志是故能進退履繩而旋曲中規矩取道致
遠而氣力有餘誠得其術也得之於銜應之於轡得之
於轡應之於手得之於手應之於心則不以目視不以
策驅心閑體正六轡不亂而二十四蹄所投無差迴旋
進退莫不中節然後輿輪之外可使無餘轍馬蹄之外
可使無餘地未嘗覺山谷之嶮原隰之夷視之一也吾
術窮矣汝其識之

力命

力謂命曰若之功奚若我哉命曰汝奚功於物而欲比
朕力曰壽夭窮通貴賤貧富我力之所能也命曰彭祖

刀命諸篇或謂
非列子所作然
讀其書類皆一
死生齊得喪想
當時命筆極屬
匠心與天瑞符
說諸篇同一筆
力柰何信彼而
疑此也

之智不出堯舜之上。而壽八百。穎淵之才。不出衆人之
下。而壽十八。仲尼之德。不出諸侯之下。而困於陳蔡。殷
紂之行。不出三仁之上。而居君位。季札無爵于吳。田恒
專有齊國。夷齊餓於首陽。季氏富於展禽。若是汝加之
所能。奈何壽彼而夭。此窮聖而達。達。賤賢而貴。愚貧善
而富。惡耶。力曰。若如若言。我固無功於物。而物若此耶。
此則若之所制耶。命曰。既謂之命。奈何有制之者耶。朕
直而推之。曲而任之。自壽自夭。自窮自達。自貴自賤。自
富自貧。朕豈能識之哉。朕豈能識之哉。
比宮子謂西門子曰。朕與子並世也。而人子達。並族也。

案稻餅也。粉米
不碎也。
權。屋之連綿也。
言其屋簷之長。

厚薄謂德有厚
薄。

偶又行不進貌。

而人子敬。並貌也。而人子愛。並言也。而人子庸。並行也。
而人子誠。並仕也。而人子貴。並農也。而人子富。並商也。
而人子利。朕衣則短褐。食則粢糲。居則蓬室。出則徒行。
子衣則文錦。食則梁肉。居則連櫪。出則結駟。在家熙
然。有棄朕之心。在朝諤然。有敖朕之色。請謁不相及。遨
游不同行。固有年矣。子自以德過朕耶。西門子曰。子無
以知其實。汝造事而窮。予造事而達。此厚薄之驗歟。而
皆謂與予並。汝之類厚矣。北宮子無以應。自失而歸。中
塗遇東郭先生。先生曰。汝奚往而反。偶偶而步。有深媿
之色耶。北宮子言其狀。東郭先生曰。吾將舍汝之媿。與

窮達之異皆自然而非由人事巧拙也

謂之荏苒也

草輅柴車也適自得之負

恒動也

夫名者因偽以求真假虛以招實矯性而行之有為而為之者豈無勤憂之弊耶

汝更之西門氏而問之曰。汝奚辱北宮子之深乎。固且言之。西門子曰。北宮子言世族年貌言行與予並而賤。貴貧富與予異。予語之曰。予無以知其實。汝造事而窮。予造事而達。此將厚薄之驗歟。而皆謂與予並。汝之顏厚矣。東郭先生曰。汝之言厚薄。不過言才德之差。吾之言厚薄。異於是矣。夫北宮子厚於德。薄於命。汝厚於命。薄於德。汝之達。非智得也。北宮子之窮。非愚失也。皆天也。非人也。而汝以命厚自矜。北宮子以德厚自媿。皆不識夫固然之理矣。西門子曰。先生心矣。予不敢復言。北宮子既歸。衣其短褐。有狐貉之溫。進其菽。有稻梁之

味。庇其蓬室。若廣廈之蔭。乘其草輅。若文軒之飾。終身適。稱然不知榮辱之在彼也。在我也。東郭先生聞之曰。北宮子之寐久矣。一言而能寤。易恒也哉。

楊朱

楊朱游於魯。舍於孟氏。孟氏問曰。人而已矣。奚以名為。曰。以名者為富。既富矣。奚不已焉。曰。為貴。既貴矣。奚不已焉。曰。為死。既死矣。奚為焉。曰。為子孫。名奚益於子孫。曰。名乃苦其身。焦其心。乘其名者。澤及宗族。利兼鄉黨。况子孫乎。凡為名者。必廉。廉斯貧。為名者。必讓。讓斯賤。曰。管仲之相齊也。君淫亦淫。君奢亦奢。志合言從。道行

為善不以為名
而名自生者實
名也為名以招
利而世莫知者
偽名也

齊限也

頭消散也

國霸死之後。管氏而已。田氏之相齊也。君盈則已降。君
歛則已施。民皆歸之。因有齊國。子孫享之。至今不絕。若
實名貧。偽名富。曰實無名。名無實。名者偽而已矣。
楊朱曰。百年壽之大齊。去聲得百年者。千無焉。設有一者。
孩抱以逮昏老。幾居其半矣。夜眠之所弭。晝覺之所遺。
又幾居其半矣。痛疾哀苦。亡失憂懼。又幾居其半矣。量
十數年之中。適然而自得。亡介焉之慮者。亦亡一時之
中爾。則人之生也。奚為哉。奚樂哉。為美厚爾。為聲色爾。
而美厚復不可常厭。足聲色不可常玩聞。乃復為刑賞
之所禁勸。名法之所進退。遑遑爾。竟一時之虛譽。規死

繫桔手械也。昇
占異字

後之餘榮。偶偶爾。慎耳目之觀聽。惜身意之是非。徒失
當年之至樂。不能自肆於一時。重囚繫桔。何以異哉。
楊朱見梁王言治天下如運諸掌。梁王曰。先生有一妻
一妾而不能治。三畝之園而不能芸。而言治天下如運
諸掌何也。對曰。臣聞之。吞舟之魚。不游枝流。鴻鵠高
飛。不集污池。何則。其極遠也。黃鍾大呂。不可從煩奏之
舞。何則。其音疏也。將治大者不治細。成大功者不成小。
此之謂矣。

楊朱曰。太古之事滅矣。孰誌之哉。三皇之事。若存若亡。
五帝之事。若覺若夢。三王之事。或隱或顯。億不識一。當

身之事。或聞或見。萬不識一。目前之事。或存或廢。千不識一。太古至於今日。年數固不可勝紀。但伏羲已來。三十餘萬歲。賢愚好醜。成敗是非。無不消滅。但遲速之間耳。矜一時之毀譽。以焦苦其神形。要死後數百年中餘名。豈足潤枯骨。何生之樂哉。

楊朱曰。人肖天地之類。懷五常之性。有生之靈。靈者人也。人者爪牙不足以供守衛。肌膚不足以自捍禦。趨走不足以逃利害。無毛羽以禦寒暑。必將資物以為養性。任智而不恃力。故智之所貴。存我為貴。力之所賤。侵物為賤。然身非我有也。既生不得不全之物。非我有也。既

天下之身同之
我身天下之物
同之我物非至
人如何能竟私
之為非知公之
為是故曰至
也

遺其自然曰道
人得其生理曰
順民
四事括盡人情
世能上蔡先生
云透得名利關
乃是卜歌處蓋
謂此也

有不得不去之身。固生之主。物亦養之主。雖全生身。不可有其身。雖不去物。不可有其物。有其物。有其身。是橫私天下之身。橫私天下之物。其唯聖人乎。公天下之身。公天下之物。其惟至人矣。此之謂至至者也。

楊朱曰。生民之不得休息。為四事故。一為壽。二為名。三為位。四為貨。有此四者。畏鬼畏人。畏威畏刑。此謂之遁人也。可殺可活。制命在外。不送命。何羨壽。不矜貴。何羨名。不要勢。何羨位。不貪富。何羨貨。此之謂順民也。天下無對。制命在內。故語有之曰。人不婚宦。情欲失半。人不衣食。君臣道息。

中原文獻子集卷三

陰陽之蠹謂非
但累身乃侵損
正氣

楊朱曰。豐屋美服。厚味姣色。有此四者。何求於外。有此而求外者。無厭之性。無厭之性。陰陽之蠹也。忠不足以安君。適足以危身。義不足以利物。適足以害生。安上不由於忠。而忠名滅焉。利物不由於義。而義名絕焉。君臣皆安。物我兼利。古之道也。

說符

狐丘主人謂孫叔敖曰。人有三怨。子知之矣。孫叔敖曰。何謂也。對曰。爵高者人妬之。官大者主惡之。祿厚者怨逮之。孫叔敖曰。吾爵益高。吾志益下。吾官益大。吾心益小。吾祿益厚。吾施益博。以是免於三怨。可乎。

利不獨往怨不
偏行請字當作
情之所感無
遠近幽深

楊朱曰。利出者實及。怨往者害來。發於此而應於外者。唯請。是故賢者慎所出。

楊子之鄰人亡羊。既率其黨。又請楊子之豎追之。楊子曰。嘻。亡一羊。何追者之衆。鄰人曰。多歧路。既反。問獲羊乎。曰。亡之矣。曰。奚亡之。曰。歧路之中。又有歧焉。吾不知所之。所以反也。楊子戚然變容。不言者移時。不笑者竟日。門人怪之。請曰。羊賤畜。又非夫子之有。而損言笑者。何哉。楊子不荅。門人不獲所命。弟子孟孫陽出。以告心都子。心都子他日與孟孫陽偕入。而問曰。昔有昆弟三人。遊齊魯之間。同師而學。進仁義之道而歸。其父曰。仁

卷之三

九

義之道若何。伯曰。仁義使我愛身而後名。仲曰。仁義使我殺身以成名。叔曰。仁義使我身名並全。彼三術相反。而同出於儒。孰是孰非耶。楊子曰。人有濱河而居者。習於水。勇於泅。因操舟鬻渡。利供百口。裹糧就學。者成徒。而溺死者幾半。本學泅。不學溺。而利害如此。若以為孰是孰非。心都子嘿然而出。孟孫陽讓之曰。何吾子問之迂。夫子荅之僻。吾惑孰甚。心都子曰。大道以多岐亡羊。學者以多方喪生。學非本不同。非本不一。而未異若是。唯歸同反一。為亡得喪。子長先生之門。習先生之道。而不達先生之况也。哀哉。

泗人浮水上也

楊朱曰。行善不以為名。而名從之。名不與利期。而利歸之。利不與爭期。而爭及之。故君子必慎為善。

朱子語錄曰。列子平淡踈曠。

又云。孟子莊子文章皆好列子。便有迂僻處。左氏亦然。皆好高而少事實。因言列子語佛氏多用之。莊子全寫列子。又變得峻竒。列子語溫純。柳子厚常稱之。

論孟然林下學常餘之
而用之盡于全高何子又變料如商區下
本力亦然習技高而及車實因言何子
又云孟子莊子文章習技何子對亦
未于詰難曰何下平來報謝
之際不與年賦而年及之效者于山斷
亦未曰行善者

鵝冠子

楚人居深山以鵝羽為冠故號焉著書十九篇初
本黃老而末迫於刑名然奇言奧旨每每有焉韓
退之三讀學問篇悲其不遇有以也

博選

博選者以五至為本者也故北面而事之則伯已者至
先趨而後息先問而後默則什已者至人趨已趨則若
已者至憑几據杖拍麾而使則廝役者至樂嗟苦咄則
徒隸之人至矣故帝者與師處王者與友處亡主與徒
處故德萬人者謂之雋德千人者謂之豪德百人者謂

伯已伯倍于已
也下倣此

祭則嗟苦則咄

知哲聖人為萬
獸之特者為豪
卓之秀者為英

王鉄

冬至而北夏至而南天之誠也朔而後魄生望而後魄死天之信也二十

鶡冠子曰。天者誠其日德也。日誠出誠入。南北有極。故莫弗以為法則。天者信其月刑也。月信死信生。終則有始。故莫弗以為政。天者明星其稽也。列星不亂。各以序行。故小大莫弗以為章。天者因時其則也。四時當名。代而不干。故莫弗以為必然。天者一法其同也。前後左右。古今自如。故莫弗以為常。天誠信明。因一不為衆父。易一故莫能與爭先。

能天

故聖人者。後天地而生。而知天地之始。先天地而亡。而知天地之終。力不若天地。而知天地之任。氣不若陰陽。而能為之經。不若萬物多。而能為之正。不若衆美麗。而能舉善指過焉。不若道德富。而能為之崇。不若神明照。而能為之主。不若鬼神潛。而能著其靈。不若金石固。而能燒其勁。不若方圓治。而能陳其形。

易曰崇高莫大乎富貴又為高富為崇

稍其怪不善六國益而稍刺其罪

而稍為之主不欲以幣幣而稍散其靈不善金口國而

稍舉其能遊其不善其言而稍為之崇不善其國而

而稍為之利不善其出也而稍為之立不善其立也而

味天此之然也夫不善天此而味天此之則

不善其國而

吳子

名起魏人所著皆兵家機權法制之說然觀其對

武侯則曰在德不在險論制國治軍則曰教之以

禮厲之以義高氏謂較之孫武起之書幾乎正武

之書一乎奇豈其嘗學於曾子故立言亦有自歟

圖國

吳子曰昔之圖謀國家者必先教百姓而親萬民有四

不和不和於國不可以出軍不和於軍不可以出陣不

和於陣不可以進戰不和於戰不可以決勝是以有道

之主將用其民先和而造大事不敢信其私謀必告於

殺百姓教養內
之百姓親萬民
親畿外之萬民
此為近者遠之
意

先和應前教百
姓親萬民意大

事謂征伐也

祖廟啓於元龜。參之天時。吉乃後舉。民知君之愛其命。惜其死。若此之至。而與之臨難。則士以進死為榮。退生為辱矣。

義兵即爭名強兵即爭利剛兵即積惡暴兵即內亂逆兵即因飢五兵所起服之各有要道

吳子曰。凡兵之所起者有五。一曰爭名。二曰爭利。三曰積惡。四曰內亂。五曰因飢。其名又有五。一曰義兵。二曰強兵。三曰剛兵。四曰暴兵。五曰逆兵。禁暴救亂曰義。恃眾以伐曰強。因怒興師曰剛。棄禮貪利曰暴。國亂人疲。舉事動眾曰逆。五者之服。各有其道。義必以禮服。強必以謙服。剛必以辭服。暴必以詐服。逆必以權服。

武侯問曰。願聞陳必守。守必固。戰必勝之道。起對曰。立見且可。豈直聞乎。君能使賢者居上。不肖者處下。則陳已定矣。民安其田宅。親其有司。則守已固矣。百姓皆是。吾君而非鄰國。則戰已勝矣。

論將

吳子曰。夫總文武者。軍之將也。兼剛柔者。兵之事也。凡人論將。嘗觀於勇。勇之於將。乃數分之一爾。夫勇者必輕合。輕合而不知利。未可也。故將之所慎者五。一曰理。二曰備。三曰果。四曰戒。五曰約。理者治眾如治寡。備者出門如見敵。果者臨敵不懷生。戒者雖克如始戰。約者法令省而不煩。受命而不辭家。破敵而後言返。將之禮

又下所云五慎是也。武下所云勇是也。搃此二者可為軍將。然文宜先武宜後。故所云不在勇而在慎也。

安命以下併及為將之禮亦文

總也

占敵將之姓名而察其才能因敵形之虛實而用吾權變則不勞而功自成矣以下十一事摠詳其意也

也。故師出之日。有死之榮。無生之辱。

吳子曰。凡戰之要。必先占其將而察其才。因其形而用其權。則不勞而功舉。其將愚而信人。可計而誘。貪而忽名。可貨而賂。輕變無謀。可勞而困。上富而驕。下貧而怨。可離而間。進退多疑。其眾無依。可震而走。士輕其將。而有歸志。塞易開險。可邀而取。進道易。退道難。可未而前進。道險。退道易。可薄而擊。居軍下濕。水無所通。霖雨數至。可灌而沈。居軍荒澤。草焚幽穢。飈標風數至。可焚而滅。停久不移。將士懈怠。其軍不備。可潛而襲。

尉繚子

魏人鬼谷子高弟也。隱於夷山。因惠王聘陳兵法二十四篇。其談兵。今本末別賓主。崇儉右文。雖未純王政。亦窺見其本矣。但末章殺士卒之半等語。慘刻太甚。豈尚嚴而失之過者歟。

兵談

量土地肥磽而立邑。建城稱地。以城稱人。以人稱粟。三相稱。則內可以固守。外可以戰勝。戰勝於外。備主於內。勝備相應。猶合符節。無異故也。夫土廣而任。則國富。民衆而制。則國治。富治者。民不發

稱地。稱地之廣。狹。稱人。稱人之多寡。稱粟。稱粟之多少。

此段言兵貴神速

軻甲不出暴而威制天下。故曰。兵勝於朝廷。不暴甲而勝者。主勝也。陳而勝者。將勝也。患在百里之內。不起一日之師。患在千里之內。不起一月之師。患在四海之內。不起一歲之師。

戰威

善用兵者。能奪人而不奪於人。奪者。心之機也。令者。一眾心也。眾不審則數變。數變則令雖出。眾不信矣。故令之法。小過無更。小疑無中。故上無疑令。則眾不二聽。動無疑事。則眾不二志。未有不信其心。而能得其力者。也。未有不得其力。而能致其死戰者。也。

舍出小有過差則不改小有疑或則不中止此言在上者不可有疑令以惑眾

山言富上而不富下之言

王國富民。霸國富士。僅存之國富大夫。亡國富倉府。所謂上滿下漏。患無所救。

攻權

將帥者。心也。羣下者。支節也。其心動以誠。則支節必力。其心動以疑。則支節必背。夫將不心制。卒不節動。雖勝幸勝也。非攻權也。

夫民無兩畏也。畏我侮敵。畏敵侮我。見侮者敗。立威者勝。凡將能其道者。吏畏其將也。吏畏其將者。民畏其吏也。民畏其吏者。敵畏其民也。是故知勝敗之道者。必先知畏侮之權。夫不愛說其心者。不我用也。不威嚴其心

將卒動靜如一身

恩威並行

有義兵無忿兵

兵所以止暴非所以為暴在於一人言一人定于上也

者不我舉也。愛在下順。威在上立。愛故不二。威故不犯。故善將者。愛與威而已。凡挾義而戰者。貴從我起。爭私結怨。應不得已。怨結雖起。待之貴後。故爭必當待之。息必當備之。

武議

凡兵不攻無過之城。不殺無罪之人。夫殺人之父兄。利人之貨財。臣妾人之子女。此皆盜也。故兵者。所以誅暴亂。禁不義也。兵之所加者。農不離其田業。賈不離其肆宅。士大夫不離其官府。由其武議在于一人。故兵不血刃。而天下親焉。

將受命之日。忘其家。張軍宿野。忘其親。援抱而鼓。身。

將理

凡將理官也。萬物之主也。不私於一人。夫能無私於一人。故萬物至而制之。萬物至而命之。君子不救囚於五步之外。雖鈎矢射之弗追也。故善審囚之情。不待箠楚。而囚之情可畢矣。答人之背。灼人之脅。束人之指。而訊囚之情。雖國士有不勝其酷。而自誣矣。今世諺云。千金不死。百金不刑。試聽臣之言。行臣之術。雖有堯舜之智。不能關一言。雖有萬金。不能用一銖。今夫決獄。小固不

制斷制斷令命
君子不救二句
言君子近察囚
情以救其死其
有欲射所斷而
不入鈎金束失
者亦弗追答也
以下言酷刑不
可用
千金百金言可
以賂免也
不能關一言不

能通一言之閉
節也不能用一
銖不能用一銖
以求免也

中原文獻子集卷三
下十數。中圍不下百數。大圍不下千數。十人聯百人之
事。百人聯千人之事。千人聯萬人之事。所聯之者。親戚
兄弟也。其次婚姻也。其次知識故人也。是農無不離田
業。賈無不離肆宅。士大夫無不離官府。如此。閉聯良民
皆囚之情也。兵法曰。十萬之師出。日費千金。今良民十
萬。而聯於囹圄。上不能省。臣以為危也。

兵令

兵者以武為植。以文為種。武為表。文為裏。能審此二者。
知勝負矣。文所以視利害。辨安危。武所以犯強敵。力攻
守。

鬼谷子

楚人蘇秦記以為周時有豪士隱居鬼谷自號鬼
谷先生無鄉里氏族姓名一說王詡也其書陰
謀詭秘有金匱韜略之所不可該者亦一代之雄
乎

押闔

口者心之門戶也。心者神之主也。志意喜欲。思慮智謀。
此皆由門戶出入。故關之以押。擺闔制之以出入。押之
者。開也。言也。陽也。闔之者。閉也。默也。陰也。
內捷

押開也。撥也。排
而振之也

捷閉也閉也門
限之末亦曰捷
反戶鑰牡曰捷

跌水蟲用其如
桑子母錢則常
不相離

日進前而不往
遙聞聲而相思
之心雖龍亦有
此語

戰國遊說盡於
揣情二字

孔叢子云相人
眉捷而為之意
天下之深人也
正與此合

君臣上下之事。有遠而親。近而疎。就之不用。去之反求。日進前而不御。遙聞聲而相思。事皆有內捷。素結本始。或結以道德。或結以黨友。或結以財貨。或結以采色。用其意。欲入則入。欲出則出。欲親則親。欲疎則疎。欲就則就。欲去則去。欲求則求。欲思則思。若蚨扶母之從其子也。出無間。入無朕。獨往獨來。莫之能止。內者進說辭。捷者捷所謀也。故遠而親者。有陰德也。近而疎者。志不合也。就而不用者。策不得也。去而反求者。事中来也。日進前而不御者。施不合也。遙聞聲而相思者。合於謀待決事也。故曰。不見其類而說之者。見逆。不得其情而說之者。見非。得其情。乃制其術。此用可出可入。可捷可閉。聖人立事。以此先知而捷萬物。

揣篇

揣情者。必以其甚喜之時。往而極其欲也。其有欲也。不能隱其情。必以其甚懼之時。往而極其惡也。其有惡也。不能隱其情。

權篇

口者幾關也。所以閉情意也。耳目者心之佐助也。所以窺間見姦邪。

古人有言曰。口可以食。不可以言。言有諱忌也。衆口爍

金言有曲故也。人之情出言則欲聽。舉事則欲成。是故智者不用其所短。而用愚人之所長。智者不用其所拙。而用愚人之所工。故不困也。言其有利者。從其所長也。言其有害者。避其所短也。故介蠱之捍也。必以堅厚。螫蟲之動也。必以毒螫。故禽獸知用其長。而談者知用其用也。

謀篇

故同情而俱相親者。其俱成者也。同欲而相踈者。其偏害者也。同惡而相親者。其俱害者也。同惡而相踈者。其偏害者也。故相益則親。相損則踈。

屈子

名平楚。同姓也。其始末具見屈原傳。朱子以離騷一書皆出于忠君愛國之忱。但辭旨或流于跌宕。怪神怨對。激發不可為訓。茲錄卜居漁父二篇。

卜居

屈原既放。三年不得復見。竭知盡忠。而蔽鄣於諛。心煩慮亂。不知所從。乃往見太卜鄭詹尹曰。余有所疑。願因先生決之。詹尹乃端策拂龜曰。君將何以教之。屈原曰。吾將惓惓款款。朴以忠乎。將送往勞來。斯無窮乎。寧誅鋤草茅。以力耕乎。將游大人。以成名乎。寧正言不諱。以

樓昉曰卜居謂
三身所安之地
非居室之居也
洪祖興曰上句
原所從也下句
原所去也
端正也策著筮
也正策將以正
也拂龜將以卜
也送往勞來追
應俗人也

嗟嘗求媚也粟
斯詭隨其辭啞
唯儒兒強語笑
貌婦人謂鄭袖
突梯滑澁貌滑
稽圓轉貌脂肥
澤韋柔軟也極
屋柱亦圓物又
以脂灌葦而紮
之是以突梯滑
稽而無所止也
現世俗溷濁一
段則原之下特
以英障蔽於說
之心事實未嘗
有所礙也

共興祖曰卜居
漁父皆假設問
答以寓意耳而
太史公屈原傳
劉向新序稽康
高士傳或採楚
辭莊子漁父之
言以為實錄非
也
糟醲皆酒滓也

危身乎。將從俗富貴以媮生乎。寧超然高舉以保真乎。
將^足些^貴粟斯啞^屋伊伊^伊儒兒以事婦人乎。寧廉潔
正直以自清乎。將突梯滑稽如脂如膏以潔楹乎。寧昂
昂若千里之駒乎。將汜汜若水中之鳧與波上下偷以
全吾軀乎。寧與騏驎亢軛乎。將隨駑馬之迹乎。寧與黃
鵠比翼乎。將與鷄鶩^木爭食乎。此孰吉孰凶。何去何從。
世溷濁而不清。蟬翼為重。千鈞為輕。黃鍾毀棄。瓦釜雷
鳴。諛人高張。賢士無名。吁嗟默兮。誰知吾之庶貞。詹
尹乃釋策而謝曰。夫尺有所短。寸有所長。物有所不足。
智有所不明。數有所不逮。神有所不通。用君之心。行君

之意。龜策誠不能知此事。

漁父辭

屈原既放。遊于江潭。行吟澤畔。顏色憔悴。形容枯槁。
漁父見而問之曰。子非三閭大夫乎。何故至於斯。屈原
曰。舉世皆濁我獨清。眾人皆醉我獨醒。是以見放。漁父
曰。聖人不凝滯於物。而能與世推移。世人皆濁。何不滌
其泥而揚其波。眾人皆醉。何不鋪其糟而飲其醲。何故
深思高舉。自令放為。屈原曰。吾聞之。新沐者必彈冠。新
浴者必振衣。安能以身之察察。受物之汶汶者乎。寧赴
湘流。葬於江魚之腹中。又安能以皓皓之白。而蒙世俗

鼓柅扣船舷也
王世貞曰卜居
漁父便是赤辟
諸公作備作法
于涼冷人永慨

之塵埃乎。漁父莞爾而笑，鼓柅而去。歌曰：滄浪之水清兮，可以濯吾纓；滄浪之水濁兮，可以濯吾足。遂去不復與言。

何孟春曰：昔者紂為長夜之飲，七日七夜，失七曆數，不知甲子。問於左右，莫知。使問箕子，箕子謂其私人曰：為天下主而一國皆失日，天下危矣！一國不知而我知之，我其危矣！亦辭以醉箕子，非夫漁父所謂聖人者歟。茲箕子所謂佯狂者歟。

宋子

名玉楚大夫屈原弟子也。閔師忠而放逐，故作九辨以述其志。九辨固王賦之最精者，然濃纖而純白，不載涵漫而遠於世教，屈氏之風微矣。

九歌

何時俗之工巧兮，背繩墨而改錯。去聲却騏驥而不乘兮，策駑駘而取路。當世豈無騏驥子，誠莫之能善御。見執轡者非其人兮，故踟局跳調而遠去。鳧鴈皆唼翼夫梁藻兮，鳳愈飄翔而高舉。園鑿而方枘芮兮，吾固知其鉏咀。銛語而難入，衆鳥皆有所登棲兮。鳳獨惶惶而無所

馬立不常謂之
跼跳躍也唼喋
是鴈食穀

街枚軍中所止
言者

古語云相馬失
之硬相士失之
貧

言士不求君又
當求士也

絕端謂滅其端
緒不使人知也

霜露下而露雪
加喻亂之愈
甚也泊止也莽
又草盛也幸望
至再而空不能
免也

厭按皆仰止之
意言欲速則不
達欲緩則無門
故自急也從容
宛轉委曲之意

蓋死者言蓋沾
霜露而凍餓以
死也

此言所任得人
無怨於下則不
假刑威自成美
化不然雖有城

集。願街枚而無言兮。嘗被君之渥洽。太公九十乃顯榮
兮。誠未遇其匹合。謂騏驥兮安歸。謂鳳凰兮安棲。變古
易俗兮世衰。今之相者兮舉肥。騏驥伏匿而不見兮。鳳
凰高飛而不下。鳥獸猶知懷德兮。何云賢士之不處。
驥不驟進而求服兮。鳳亦不貪饒餒而妄食。君棄遠而
不察兮。雖願忠其焉得。欲寂寞而絕端兮。竊不忘初之
厚德。獨悲愁其傷人兮。馮馮鬱鬱其何極。

霜露慘悽而交下兮。心尚奔幸其弗濟。霰雪零糅粗其
增加兮。乃知遭命之將至。願徼幸而有待兮。泊莽莽與
樹也。草同死。願自直而徑往兮。路壅絕而不通。欲循道

而平驅兮。又未知其所從。然中路而迷惑兮。自厭壓按
而學誦。性愚陋以褊淺兮。信未達乎從容。竊羨申包胥
之氣晟盛兮。恐時世之不固。何時俗之工巧兮。戚規槩
矩而改鑿。獨耿介而不隨兮。願慕先聖之遺教。處濁世
而顯榮兮。非余心之所樂。與其無義而有名兮。寧窮處
而守高。食不媮偷而為飽兮。衣不苟而為溫。竊慕詩人
之遺風兮。願託志乎素餐。寒充偃屈而無端兮。泊莽莽
而無垠。無衣裘以御冬兮。恐溘死而不得見乎陽春。
堯舜皆有所舉任兮。故高枕而自適。諒無怨於天下兮。
心焉取此怵惕。乘騏驥之瀏瀏流兮。馭安用夫強策。

郭甲兵不足恃
 美
 遭行不進貌約
 窮約也
 言欲退而自修
 以立名于世空
 愚昧而自苦耳
 向恐也慈愚也
 焉薄無所集也
 著意存心而不
 釋也快又專一
 貌妬被離而障
 言為諉妬所障
 塞也

諒城郭之不足恃兮。雖重介之何益。遭占翼翼而無終兮。惛惛而愁約。生天地之若過兮。功不成而無効。頽沉滯而不見兮。尚欲布名乎天下。然潢洋而不遇兮。直恂句愁茂而自苦。莽洋洋而無極兮。忽翱翔之焉薄。國有驥而不知察兮。焉皇皇而更索。甯戚謳于車下兮。桓公聞而知之。無伯樂之善相兮。今誰使乎譽之。罔流涕以聊慮兮。惟著音而得之。紛惛惛之願忠兮。妬被離而鄣之。

商子

姓公孫名鞅。衛庶孽也。使秦。因景監以仕。孝公富強其國。著書二十九篇。封於商。故名商子。太史公謂其刻薄少恩。又讀開塞書。謂與其行事相類。卒受惡名。信不誣也。

筭地

事詩書談說之士。則民游而輕其君。事處士。則民退而非其上。事勇士。則民競而輕其禁。技藝之民用。則民僥票而易徙。商賈之事。佚其利。則民緣而議其上。故五民者。加於國用。則田荒而兵弱。談說之士。資在於口。處士

凡此數者。皆在所禁。蓋欲民絕一切外事。而專務力農戰也。僥票輕退也。

資在於意。勇士資在於氣。技藝之士資在於手。商賈之
事資在於身。

錯法

同列而相臣妾者。貧富之謂也。同實而相并無者。強弱
之謂也。有地而君或強或弱者。亂治之謂也。

修權

法者君臣之所共操也。信者君臣之所共立也。權者君
臣之所獨制也。

畫策

國皆有潛法。而無使法必行之法。國皆有禁姦邪刑盜

見慘刻

賊之法。而無使姦邪盜賊必得之法。為姦邪盜賊者死
刑。而姦邪盜賊不止者。不必得。必得而尚有姦邪盜賊
者。刑輕也。

君臣

臣聞道民之門。在上所先。故民可令農戰。可令游宦。可
令學問。在上所與。上以功勞與。則民戰。上以詩書與。則
民學問。民之於利也。若水於下也。四旁無擇也。民徒可
以得利而為之者。上與之也。瞋瞋目扼腕而語勇者得。
垂衣裳而談說者得。遲日曠久。積勞私門者得。尊向三
者。無功而皆可以得。民去農戰而為之。或談議而索之。

此恐遊說之人
蕩惑人主壞其
耕戰之法

瞋張也
文勢若強矢疾
怒。舍括於百步
之外。雖末勢猶
能貫柳葉。先秦
之最勝者

或事便而請之。或以勇爭之。故農戰之民日寡。而游食者愈衆。則國亂而地削。兵弱而主卑。此其所以然者。釋法制而任名譽也。

禁使

今夫幽夜。山陵之大。而離婁不見。清朝日。齟。瑞。則上別飛鳥。下察秋毫。故日之見也。託日之勢也。

今夫置丞立監者。且以禁人之為利也。而丞監亦欲為利。則何以相禁。故恃丞監而治者。僅存之治也。

尹文子

出周尹氏齊宣王時居稷下著書一篇多所彌綸

蓋學本黃老而襍申韓者大較刑名家也

大道上

有理而無益於治者。君子弗言。有能而無益於事者。君子弗為。君子非樂有言。有益於治。不得不言。君子非樂有為。有益於事。不得不為。故所言者不出於名法權術。所為者不出於農稼軍陣。周務而已。故明王不為治外之理。小人必言事外之能。小人亦知言損於治。而不能不言。小人亦知能損於事。而不能不為。故所言者極於

此篇清爽細膩
辨藝之母也

周務句言但求
周于事務也

獨善獨巧非善
巧之至戒自用
也

以出乎眾為心
古者嘗出乎眾

儒墨是非之辨。所為者極於堅偽偏抗之行。求名而已。故明主誅之。古語曰。不知無害於君子。知之無損於小人。工匠不能無害於巧。君子不知無害於治。此信矣。為善使人不能得從。此獨善也。為巧使人不能得從。此獨巧也。未盡善巧之理。為善與眾行之。為巧與眾能之。此善之善者。巧之巧者也。所貴聖人之治。不貴其獨治。貴其能與眾共治。貴工倖之巧。不貴其獨巧。貴其能與眾共巧也。今世之人。行欲獨賢。事欲獨能。辨欲出羣。勇欲絕眾。獨行之賢。不足以成化。獨能之事。不足以周務。出群之辨。不可為戶說。絕眾之勇。不可與征陣。凡此四者。

以名分制心欲
有見

引二語作證極

亂之所由生。是以聖人任道以夷其險。立法以理其差。使賢愚不相棄。能鄙不相遺。能鄙不相遺。則能鄙齊功。賢愚不相棄。則賢愚等慮。此至治之術也。名定則物不競。分明則私不行。物不競。非無心。由名定。故無所措其心。私不行。非無欲。由分明。故無所措其欲。然則心欲。人人有之。而得同於無心無欲者。制之有道也。田駢曰。天下之士。莫肯處其門庭。臣其妻子。必遊宦諸侯之朝者。利引之也。遊於諸侯之朝。皆志為卿大夫。而不擬於諸侯者。名限之也。彭蒙曰。雉兔在野。眾人逐之。今未定也。雞豕滿市。莫有志者。分定故也。

今天地之間。不肖實衆。仁賢實寡。趨利之情。不肖特厚。廉恥之情。仁賢偏多。今以禮義招仁賢。所得仁賢者。萬不一焉。以名利招不肖。所得不肖者。觸地是焉。故曰。禮義成君子。君子未必須禮義。名利治小人。小人不可無名利。

凡天下萬理皆有是非。吾所不敢誣。是者常是非者常非。亦吾所信。然是雖常是有時而不用。非雖常非有時而必行。故用是而失有矣。行非而得有矣。是非之理不同。而更興廢。翻為我用。則是非焉在哉。已。是而舉世非之。則不知已之是已。非而舉世是之。亦

聖不能定
非之準

不知已所非。然則是非隨衆。賈而為正。非已所獨了。則犯衆者為非。順衆者為是。

大道下

聖人者自己出也。聖法者自理出也。理出於已。已非理也。已能出理。理非已也。故聖人之治。獨治者也。聖法之治。則無不治矣。

人貧則怨人。富則驕人。怨人者苦人之不祿施於已也。起於情所難安而不能安。猶可恕也。驕人者無苦而無故驕人。此情所易制而弗能制。弗可恕矣。衆人見貧賤則慢而疎之。見富貴則敬而親之。貧賤者有請求於已。

見為治當任法
不當任已

識得此情破則
不怨貧不驕富
不厭貧不迫富
宜吳達士襟懷

疎之可也。未必損已而必疎之。以其無益於物之具故也。富貴者有施與_於親之可也。未必益已而必親之。則彼不敢親我矣。三者獨立無致親致疎之所。人情終不能不以貧賤富貴易慮。故謂之大惑焉。窮獨貧賤治世之所共矜。亂世之所共侮。治世非為矜窮獨貧賤而治。是治之一事也。亂世亦非侮窮獨貧賤而亂。亦是亂之一事也。每事治則無亂。亂則無治。視夏商之盛。夏商之衰。則其驗也。貧賤之望富貴甚微。而富貴不能酬其甚微之望。夫富者之所惡。貧者之所美。貴者之所輕。賤者之所榮。然而弗酬。弗與同苦樂故也。雖弗酬之於物。弗

三以况
者當酬

六君當酬天下
之石妙甚

傷。今萬民之望人君。亦如貧賤之望富貴。其所望者。蓋欲料長幼。平賦斂。時其飢寒。省其病痛。賞罰不濫。使役以時。如此而已。則於人君弗損也。然而弗酬。弗與同勞。逸故也。故為人君。不可弗與民同勞。逸焉。故富貴者不可不酬貧賤者。人君不可不酬萬民。不酬萬民。則萬民之所不願戴。所不願戴。則君位替矣。危莫甚焉。亂莫大焉。

以一人治天下
不以天下奉一人
重法重廉官也

必變法而不
其道入君之
以宰制臣民

有忠臣者
必所遇之不幸
也

古者三年耕必
有一年之蓄非
其有言必流亡
也

無已害也。則百姓除其害矣。

立天子以為天下。非立天下以為天子也。立國君以為國。非立國以為君也。立官長以為官。非立官以為官長也。法雖不善。猶愈於無法。所以一人之心也。夫投鉤以分財。投策以分馬。非鉤策為均也。使得美者不知所以德。使得惡者不知所以怨。此所以塞願望也。故著龜所以立公言也。權衡所以立公正也。書契所以立公信也。法制禮籍所以立公義也。凡立公所以棄私也。以力役法者百姓也。以死守法者有司也。以道變法者君長也。

君明臣直。國之福也。父慈子孝。夫信妻貞。家之福也。比干忠而不能存殷。申生孝而不能安晉。是皆有忠臣孝子。而國家滅亂者何也。無明君賢父以聽之。故孝子不生慈父之家。忠臣不生聖君之下。

王者有易政而無易國。有易君而無易民。湯武非得伯夷之民以治。桀紂非得蹠躄之民以亂也。民之治亂在於上。國之安危在於政。

夏箴曰。小人無無年之食。遇天饑。妻子非其有也。大夫無無年之食。遇天饑。臣妾與馬非其有也。戒之哉。與天下於人。大事也。煦煦者以為惠。而堯舜無德色。取

幪中以墨巾幪其頭纓冠飾也菲草也艾蒼白色釋前蔽也君以朱大夫素士爵常令罪人服之故以蒼白色為常也

利之而不庸

天下於人大嫌也。繫繫者以為汚而湯武知。惟其義也。

有虞之誅。以幪巾當墨。以草纓當劓。以菲履當印。以艾鞞當宮。布衣無領。當大辟。此有虞之誅也。斬人肢體。鑿其飢膚。謂之刑。畫衣冠異章。服謂之戮。上世用戮而民不犯也。當世用刑而民不從。

行海者坐而至越。有舟也。行陸者立而至秦。有車也。秦越遠途也。安坐而至者械也。

日月為天眼目。人不知德。山川為天下衣食。人不能感。有勇不以怒。反與怯均也。

小人食於力。君子食於道。先王之言也。故堂

即勞心勞力之謂也

天下之人矣。然一身之耕。分諸天下。不能人得一升粟。其不能飽可知也。欲織而衣天下之人矣。然一身之織。分諸天下。不能人得尺布。其不能煖可知也。故以為不若誦先王之道。而求其說。通聖人之言。而究其旨。上說王公大人。次匹夫徒步之士。王公大人用吾言。國必治。匹夫徒步之士用吾言。行必修。雖不耕而食。饑不織而衣。寒功賢於耕而食之。織而衣之者也。

法非從天下。非從地出。發於人間。合乎人心。而者茨防決塞。雖在夷狄。相似如一。學之

茨防即今黃河之埽決塞者塞河之決也法可制而不必有所

以猶水可塞而
不學之禹也

禹也。

外篇

古之全大體者。望天地。觀江海。因山谷。日月所照。四時
所行。雲布風動。不以智累心。不以私累已。寄治亂於法
術。託是非於賞罰。屬輕重於權衡。不逆天理。不傷情性。
不吹毛而求小疵。不洗垢而察難知。不引繩之外。不推
繩之內。不急法之外。不緩法之內。守成理。因自然。禍福
生乎道法。而不出乎愛惡。榮辱之責。在乎已。而不在于
人。故至安之世。法如朝露。純樸不散。心無結。口無煩。
故車馬不疲。游於遠路。旌旗不。於大等。

天下清無事
故車馬不疲
游於遠路

命於寇戎

不著名

畫書不功札

牒空虛。故曰。利莫長於簡。福莫久於安。

鷹善擊也。然日擊之。則疲而無全翼矣。驥善馳也。然日
馳之。則蹶而無全蹄矣。

孟子曰。人有不
為也。而後可以
有為。

循行冥又伸節
照也

能辭萬鍾之祿於朝陞。不能不拾一金於無人之地。能
謹百節之禮於廟宇。不能不弛一容於獨居之餘。蓋人
情每狎於所私。故也。

不肖者。不自謂不肖也。而不肖見於行。雖自謂賢人。猶
謂之不肖也。愚者。不自謂愚也。而愚見於
猶謂之愚。

中原文法一集卷三

國朝志家公爾
志私

則以驟

有珍
飾白雪而瞻所
奏太乙五絃之
琴清商音也
蟻也蟻蟻蟻
臨其岸而目眩
也

法者所以齊天下之動。至公大定之制。故
越法而肆謀。辯者不得越法而肆議。士不導
名。臣不得背法而有功。我喜可抑。我忿可
離也。骨肉可刑。親戚可滅。至法不可闕也。
善為國者。移謀身之心。而謀國。移富國之術。而富民。移
保子孫之志。而保治。移求爵祿之意。而求義。則不勞而
化理成矣。
始吾未生之時。焉知生之為樂也。今吾未死。又焉知死
之不樂也。故生不足以使之利。何足以動之。
禁之。害何足以恐之。日於死生之間。送於利

以目觀玉輅

耳聽白雲

其神登之。下之谿。臨蟻元眩之岸。不足以激其和。夫

是身可以殺。生可以無。仁可以成。

鳥飛于空。魚游于淵。非術也。故為鳥為魚者。亦不自知

其能飛能游。苟知之。立心以為之。則必墮。必溺。猶人之

足馳。手捉。耳聽。目視。當其馳捉聽視之際。應機自至。又

不待思而施之也。苟須思之。而後可施之。則疲矣。是以

任自然者。久得其常者。齊。

周成王問鬻子曰。寡人聞聖人在。

夫富則可為也。言大壽則在天乎。鬻子曰。

聖世有叫四生
則民之壽不在
天而在聖人矣
然則聖其矣乎

上位。天下無軍兵之事。故諸侯不私相攻而民不私相
鬪也。則民得盡一生矣。聖王在上。則君積於德化而民
積於用力。故婦人為其所衣。丈夫為其所食。則民無凍
餓。民得二生矣。聖人在上。則君積於仁。吏積於愛。民積
於順。則刑罰廢而無夭過之誅。民則得三生矣。聖王在
上。則使人有時。而用之有節。則民無厲疾。民得四生矣。

